

濟南府志

卷五十五

人物十一



第二十八冊

濟南府志卷五十五

人物十一

國朝 長山



李化熙字五絃長山人前明四川巡撫復詔總督三邊統理西征

軍務順治初召拜工部右侍郎疏辭弗獲尋轉左侍郎奏去大

布戍衣累遷刑部尚書請復朝審遣恤刑永為例乞終養歸邑

有荒地糧一千六百餘頃苦賠納毅然陳督撫特疏得免歲備

周村市稅遠近待舉火婚葬者甚眾年七十六卒祀鄉賢周村

商民請立專祠

李振熙字翔鳴化熙弟幼隨父避兵長白山中兵將及以身護父

身中兩矢後父死於難遂終身不忍入山順治初筮仕者皆破

濟南府志

卷五十五

人物十一 國朝 長山

一

格優用以兄在朝不願離母部檄促之詣京謁選除常德通判

未幾思母切引疾歸

李重熙字坤圖化熙弟鄉貢士事父母生意承歡兩妹孀居為之

延師訓子豐奩嫁女母姪家中落數周給之不令母知析爨推

美田宅與諸弟仲弟登賢書季弟官燕京每減產資之邑令趙

王郭罷官不能歸皆資以數百金乃克去淄邑學博劉貧不能

歸鬻女以行急為贖還之聞者泣下值歲祲有兄妹鬻其家母

泣目盲命歸母驚喜復明嘗指其綾袍示諸孫曰吾蓄此衣二

十餘年未忍輕棄晚年嗜內典日夕持誦之日對秋秤索酒濡

唇冥然坐逝

李文熙字野臣化熙弟順治壬辰進士授行人分校順天丁酉鄉

試是科主試受賅事發同官皆棄市文熙以廉介獨全歷四川  
江西浙江山西諸道御史條奏節省裁汰諸疏皆著爲令出按  
廣西約束暴兵還難民子女數千人巡河東鹽課奏除弊累以  
疾乞歸卒

李雍熙字淦秋迓春孫夢龍長子少修儒術長好任俠排難解紛  
趨人之急甚於己私值寇亂以身衛母柩不去弟明熙將移居  
割宅與之撫弟延熙從弟時熙遺孤委曲有恩義族中有以先  
壻宰木求售者給直而反其券兄弟爭產者置腴田如其數而  
解之至於世人或伙助而反其田宅或捐金而贖其妻女或代  
完婚姻或收養鰥寡設義學立義倉施義田代周村納牙稅絕  
意進取晚避地於長白之翠巖日以讀書養性爲事爲詩古澹

濟南府志

卷五十五

人物十一  
國朝 長山

二

聞遠有陶令風嘗訓子孫曰汝曹當以聖賢爲師吾少好任俠  
不須效也著有孝行庸言卒年六十七

李漑之字岱源化熙仲子少習春秋年十五補諸生以廕入國子  
監除知灤州俗悍難治鉏強抑暴御胥吏以嚴愛民若家人父  
子節用示儉食止鹽豉厨無大烹會

聖駕時巡力除官道時糗糧羊豕禾秬悉出自解舍不擾民間面多鬚  
畿輔稱廉吏者必曰髯知州云後以盜案罷抵家五月父歿養  
祖母四年卒

李祐之字在公世熙子順治中貢士授等都知縣擒大盜李玉庭  
懸重賞捕虎民患以絕報最擢無爲州以蒲糧罷歸卒著有居  
官明允集行世

李予之字又何振熙子康熙庚戌進士授內閣中書舍人升戶部山西司主事轉員外郎中案無留牘廉勤有聲遷鎮遠知府興學校修武備崇節儉慎安插省徭役恤舟船甫二年土人頌曰若苗若蠻悉欣欣而戴一天若商若賈盡熙熙而受一屋舉卓異需次終於京

李坦之字階平號筠谷重熙子以廩貢官泗水教諭丁艱起補昌樂課士有法升兩當知縣土瘠民貧鮮知禮義勸墾興學除害民者七十餘事爲舊令候補上庫銀千兩代部民完積年逋賦而釋其囚有以姪賂賊誣叔而利其產者得其實斷之邑有盜藪在一峽中焚林逼道詳請設戍行李便焉以疾卒於官邑人立祠祀之

濟南府志

卷五十五

人物十一  
國朝 長山

三

李毓之字喆生雍熙子性方正寡言笑燕居匡坐子姪侍側儼若朝典法言法服不以冥冥惰行人敬憚之爲諸生數以文藝壓其儕偶數奇不遇教諸子甚嚴斯仁斯義斯禮斯讓皆名士著警心錄十二卷

李因之化熙長子官河東運司同知以山西總兵姜瓖叛不屈遇害贈山西布政司右叅議廕一子以知縣用無子移廕斯佺

李斯佺字松客慨之子由難蔭初任江南高淳知縣四面環水恃巨堰以捍田水漲堰決壞田民大困至則加修築勤疏濬民賴以安升四川茂州知州地界苗蠻數出焚掠恩威並用相率請降塞遂平入爲戶部員外遷刑部郎中有能聲出爲雲南大理知府滇池屯賦十倍民糧民苦之請以軍丁視民例起科除缺

額民大悅建崇敬書院延師課士各有法式五年舉卓異丁母  
艱歸起補福建建寧知府政和知縣失入無辜十人訊其誣立  
釋之升福建鹽運使商人領票泊舟閩安鎮以待赴省換票每  
困於風濤立革之永絕其累以兄斯義撫閩迴避補兩淮運使  
清通賦禁私斂平準鹽估增修河防商有貧乏者多方振濟之  
值歲饑捐米施藥全活無算會

### 聖駕南巡賜

御書珍果升湖南鄖襄道以巡鹽使者曹薦留任料理舊欠日事稽查  
始無盜畧以積勞成疴卒於官初居鄉時繼先人代輸周村市  
稅三十餘年歲大疫煮粥賑濟歸觀日迎奠者千有餘人有問  
心集行世

### 濟南府志

#### 卷五十五

人物十一  
國朝 長山

四

李斯觀字東壑由廩貢授嶧縣教諭性剛正有劣巾豪橫武斷人  
咸畏之邑令莫能治申禱按問闔邑稱快遷陝西通渭知縣以  
疾回里起補直隸長垣縣清正廉潔憲臺以其才能舉辦大差  
二載卒於官

李斯恒字子常號劬垣又號侗菴篤之子由附貢初宰孟城邑有  
宋儒侯仲良程門高第歷元明莫有表者方請得從祀廊廡士  
知矜式病免再補石首一如治晉以主政需次歸勸善濟貧施  
棺百具其爲德於鄉又如此

李斯孚字貞菴斯恒弟博學工文有至性自傷生不見父改名岫  
字蓼園爲文有正嘉風格從兄靜菴中丞每謂其難與方駕然  
文日高數日奇遊太學益淬礪其文務求至當以昔賢自勉濟

北張稷若所定儀禮句讀必資叅訂足以徵所學矣

李斯仁字統四毓之長子康熙壬子拔貢博學能文器宇清迥任  
縣縣訓導課士有法晚年善病手不釋卷生平克盡孝道獨能  
養志兄弟聚順自相師友沒後諸弟相繼成名

李斯義字質君號靜菴斯仁弟康熙辛酉鄉試第二名戊辰進士  
授庶常擢御史王甲級人匿戚嗾家疏聞卒致於法有訴長子  
不孝者佯怒欲杖殺之而動以至性之言母子感泣叩頭去掌  
浙江京畿河南道監登聞鼓察錢局無毫髮私倡議保舉請廣  
額皆允行在臺中八年振綱飭紀輦轂肅清然秉小心持大體  
未嘗一事搏擊示丰采歷遷通政叅議提督四譯館太常寺少  
卿大理寺卿所在有跡平反爲多擢左副都御史甫十日特命

### 濟南府志

#### 卷五十五

人物十一  
國朝 長山

五

撫閩潔已率屬勸農督餉清罔罔鉅奸猾毀淫祠禁溺女建有  
嬰堂修共學書院二年之內具有成效始至閩赴平江迎

聖駕蒙慰勞甚至錫以

御書匾曰湛恩堂聯曰關山遠握南天節嶺海勤宣北闕恩又

御書壽萱二字以賜其母皆異數也以勞卒於官年六十四賜祭葬祀  
名宦鄉賢著有孝悌編初學便讀李氏家乘

李斯援字整齋元之子康熙己卯武舉癸未進士選侍衛歷福建  
南澳臺灣襄陽遊擊升廣西城守叅將廣東肇慶副將時梧州  
土寇李阿展聚眾開礦抗拒官兵奉檄往勦擒其渠首雍正三  
年南雄副將激兵變調往撫之兵卒帖服丁外艱給假守制乾  
隆元年授陝西鳳翔副將丁內艱歸再補湖廣長沙副將二載

引疾歸卒年六十九

李斯勇字勳臣庠生輕財好義雖破產不恤邑人劉坤欲賣子以償債爲代償之父子以至嘗招一奴聞其父祇一子毀其券更貽數十金令養其父得以治生訓子成士人云

李維梓字雲肅可淳子由監生援例授山西宣武府同知解甘肅軍需川省兵餉軍功加一級調汾州府同知素稱難治發奸摘伏都鄙肅清營辦差務皆出私橐民愛戴之

李可模字作周綬之孫斯遴子出嗣斯迨性退讓家貧竭力事親雖妻子不舉火甘旨未嘗或缺志行慷慨好拯人急難里黨有爭者一語罔不懽服訓子姪以設誠制行爲諄諄

李維翰字西園可模子監生父患痰疾服事罔倦父病嘗藥無暑

濟南府志

卷五十五

人物十一  
國朝 長山

六

刻離及喪葬哀痛至毀母年老曲體志意以終孺慕弟維屏維幹皆賴以成立視姪輩猶己出爲人誠信行德忘報族黨推重之子七人曾元蕃衍五世一堂乾隆丁未以軍功議敘主簿卒年八十九

李維幹字楨園可模季子十三歲失怙哀毀逾禮母疾衣不解帶以安否爲憂愉事兄如父撫姪猶子一門五世雍雍如也居恒記人之善忘人之過設義田修橋路解紛恤患好行其德金川平議敘千總子五人孫曾十餘人年七十七卒

劉孔中字藥生長山人明崇禎庚午副榜父鴻訓卒謫所勸晉撫爲奏得溫旨輿榘還里邑罹兵變歲海饑出粟千斛賑濟流亡者資其歸費全活數千人順治初避兵江南豫王聞其賢奏授

內院中書知泰州以政最擢潁州道叅議攝廬鳳泗滁和諸路  
監司節制千里江淮底定坐悞漕事落職歸著有鳳遊草讀史  
腋柘枝集倦飛樓集行世

劉孔懷字友生孔中之弟順治甲午拔貢性孝友事伯兄孔中如  
嚴師以朋友爲性命喜接引後學偃仰一室度書萬卷流連雜  
誦意泊如也爲文醇正典核讀書取實事求是學問乃真八字  
以爲則尤精於六書遠近載酒問奇戶外屢常滿著述必遵程  
朱四十年如一日里人稱爲和方君子著有四書字徵范文正  
公流寓考行世詩經辨韻古易序說校正儀禮句讀韓文辨韻  
呂氏鄉約藏於家

鮑化龍字冲字長山人性至孝慷慨好施威黨不能婚葬者周之

濟南府志

卷五十五

人物十一  
國朝 長山

七

不遺餘力葺學宮修橋梁置義田設蒙塾施棺槨歷著善蹟兩  
舉鄉飲賓教子成名祀鄉賢

鮑開茂字夏生號素垣化龍子幼穎異讀書目下數行順治丙戌

進士授瑞州府推官臺使交薦以按察司僉事攝通省學政江

西理學節義之鄉鹿洞鷺湖規條具在日進諸生講明而訓課

之己丑湖南用兵袁州臨吉之間伏莽嘯聚庚寅遷湖西道布

政司叅議調兵食簡精銳申約束定賞罰據阨塞示恩信以招

徠之散其脅從用降人爲鄉導擣賊巢穴賊渠劉京就擒黨皆

散上游之路始通上功幕府疏聞是役也山坑之捷按釋擄掠

婦女七十餘人顧里之捷按釋婦女一百六十餘人大盜旣平

葺學宮勸開墾三郡汗萊悉成沃壤以內艱歸戊戌起肇慶道

副使兼攝瓊雷黎峒徭人往往梗化聞其至皆帖帖毋敢犯法  
辛丑改陝西西寧道以父老請侍養不允尋宅外艱乙巳起補  
鄜延延安經大盜蹂躪之後土曠民稀賦稅日逋慨然思所以  
勞來而安輯之乃作折畝議上之督撫具疏上請報可三川流  
民歸者數千家戊申以裁官歸家於周村修香山洛社之會口  
不道計然之策卒年七十

李炘字闇修爾柎子順治丙戌進士授長沙府推官丁艱服闋補  
衢州府推官按大豪余繼祖罪狀出余恠寃獄郡稱神君時劇  
盜熊奇芳爲亂設法捕之賊陷台州殺知府往設防禦方畧賊  
平郡賴以安擢刑部主事遷員外郎再遷郎中以疾歸卒年四  
十七著有衢遊草衢州祀名宦已祀鄉賢

濟南府志

卷五十五

人物十一  
國朝

長山

八

李徵泰字晦修爾桂子順治戊戌進士授永豐知縣以廉惠著名  
病卒子貧不能歸葬越數年旅櫬始還

朱龍光字壽鵬長山人性敦厚與李文熙等結如石和山二社淹  
貫經史文有風格尤工行草順治丙戌經魁壬辰進士仕江南  
涇縣告歸卒於家著有筆錄文萃集行世

張啟泰字開之長山人順治丙戌進士除鳳陽知縣歲祲捐粟賑  
饑全活數千人署臨淮有惠政立去思碑丁外艱服闋補河南  
淇縣地當孔道舊有運車爲累設法歸驛民德之以卓行入爲  
兵部督捕主事累遷郎中出爲潁州道僉事丁內艱起補嶺南  
道僉事條議雇船月價省民煩費安輯海濱居民使不罹水患  
以積勞成疾卒於官祀鄉賢

張煜字孟展啟秦子弱冠遊庠序有聲長於經濟隨父官粵東大兵雲集謀遷新會檄造戰艦供應軍資勦畫立應事集而民不擾比旋里邑中水旱利害官民賴以謀畫康熙乙卯大軍南征休士兗州飛檄下郡縣助辦軍需邑令難之毅然請往隨宜采買較他邑省倍徒上下交口頌之年八十九卒

王楨字大木長山人順治乙酉舉人丙戌進士四歷諫垣疏數十上皆關國計民生之大者東省賦役仍明季故額力陳其弊濟兗東三郡得除荒糧數萬頃民困以甦時方嚴窩逃之禁窩主遣戍籍沒隣佑保甲出銀給逃主家病法太重上疏曰既經發配宜照充軍例止發一夫一妻家口田產宜免追論至保甲給銀倘遇極貧之人必至蕩產傾家是一逃而傾數家之產宜寬

濟南府志

卷五十五

人物十一  
國朝 長山

九

其禁從之壬辰癸巳間黃河決畿南山東河南江北流亡載道疏請責令地方設法安置陝西西安諸州縣輸運糧米以供兵食每一石抵銀一兩值歲祲米騰貴每石價四兩秦民困苦陝督以聞部覆曰例也上疏爭之曰秦中年來水旱屢告今以一年而納四年之糧民何以堪兵以衛民民窮則亂生况秦地西接羌番萬一急而走險變生不測所費豈止數百萬哉自是罷民輸米又上副榜充貢疏著爲例至嚴鎮將駐防定八旗官制查叛產興屯田酌帶征之條通解米之法皆條奏施行又議川廣員缺就近推升守令量才繁簡互調方面之升遷太速糧道之專責無功嚴核存留急更協濟等疏皆關切時政之尤者外

糾貪吏之鑽營內指大臣之縱恣苟

聖祖知遇最深每入奏詢及鄉里父母存亡恩意曲至賜大臣褒忠錄

戊戌升太常寺少卿以父老乞假歸又二年致仕卒年八十

李丕先字有開順治戊戌進士任山西岳陽知縣修學宮建義塾表節烈嚴緝盜賊招撫流民每歲春親履鄉村教樹畜講親睦十二年不息民用以饒詞訟以息國課不煩刑而足額民爲立生祠建去思碑升江西建昌府同知尋以親老致仕舉鄉飲大賓

吳瑄字舜玉號西濤長山人爲諸生好任俠重然諾交遊甚眾戊寅遭父喪濟南被兵奉母奔逆山間造次不廢書順治辛卯中省試己亥成進士除知平順縣在太行山谷中無桑麻絲枲之利行田見山多柳樹曰是可蠶也自其家移蠶種教民以收養

濟南府志

卷五十五

人物十一  
國朝 長山

十

繅織之法踰年人食其利縣磽确之水泉民汲十數里外爲鑿池二各廣百步清冽而甘居人便之鄰縣大猾犯法投匭部下之郡上官知其才屬之毅然繩以法無所貸二載遭母喪服闋除知內邱縣地當子午爲治益加詳密以暇日修學宮進諸生論文藝杜芳貧士憐其才推挽之成名滇黔告變軍檄旁午未幾病作以內遷歸卒

吳志漣字匯東瑄之裔兆樸子幼有至性家貧以餅奉母而自食糠粃娶李氏生男女各一妻卒再娶以虐其女傷父母心遂遣去終不娶母卒父復病多方醫治疾平始已隆冬體無完衣而父溫飽父歿旣葬依棲墓側穿土穴踞身其中風雨穴崩倚樹而號鄰人哀之共爲築室晝營食夕掘土添壘三年如一日縣

令表其門曰孝思可風

王俟字陶仲長山人康熙庚戌進士保舉邊才授興國知州時軍興旁午馳驅有功升曲靖同知苗民雜居時而猖獗單騎入山委曲開導苗人帖服後見藩司曰昨聞苗蠻不靖撫憲云有鐵面王丞在可指日平也今果然矣升思恩知府改重慶府多惠政有能聲咸以神明稱之祀鄉賢

趙裕字裕如長山人庠生德性醇厚言行端方事親備極孝養兄弟同爨五十八年人有不平片言立解親族不能婚葬者輒賙之歲終量給錢粟嘗應試至章邱一嫗以年荒賣女行哭甚哀傾囊相救經范家莊有男子負逋欲對父瑩自縊立止之遺錢二串其樂善好施如此祀鄉賢

濟南府志

卷五十五

人物十一  
國朝 長山

士

趙之隨字和千號灑源裕之子康熙乙卯舉人丙辰進士授四川

石泉令兵燹之餘戶口逃亡力請於上官清其冊籍民得樂業

退食之暇爲諸生講解經義校正文體士由是知學委攝江油

再攝安縣所至力除積弊嚴加派定賦役平訟獄庚午充鄉試

同考所取皆蜀中知名士奉部咨取授戶部山西司主事凡民

生利弊是非可否輒力爭之升湖廣司員外湖南清浪衛一地

二糧者甚厭每對當事痛切言之會湖撫入奏積弊始除丙子

升戶部浙江司郎中典試楚省焚香告天務矢公慎得士稱盛

戊寅典雲南學政嚴關防絕稂莠直振拔孤寒丹黃甲乙夜分不

寐尤爲士子愛惜功名與藩司劉謙增闈中號舍一千七百餘

楹己卯應試者數增於前中式皆素所優取通省諸生呈懇密

任滇撫擬卽題請以路遠年邁辭計上稱最以應升道缺補用  
庚辰旋里所得俸遍遺族黨乙酉大歎出所蓄糧周卹貧乏居  
家十年絕意仕進丁亥

聖駕南巡從大司寇王士禎總憲郭琇迎至德州蒙

賜克食是時已年踰古稀矣辛卯卒祀鄉賢

李沂字一生長山人庠生素孝友析爨後念兒疇子姓繁以腴田  
讓之兄欲相償固辭不受好面折人過而中懷坦易鄉人有不  
相能者片言立解故土著數百家因之息爭

李其昌字宜侯號澹菴沂之子康熙辛酉舉人辛未進士當授縣  
令念母老就中書舍人嘗起補及德州思母不置中道而返服  
闋就職尋遷禮部主事戊子充順天鄉試同考官旋遷員外郎

濟南府志

卷五十五

人物十一  
國朝 長山

十一

中歷仕曹署平心奉法未嘗苛責人過而涇渭昭然不爽辛卯  
擢雲南學政按察司僉事取前輩文教士子文風丕變振拔單  
寒奇俊之士時德州孫莪山視學黔中往來尺素必以道義規  
勸故滇黔兩學使賢聲特著壬辰冬卒於官

石顏字慧先長山人少貧負拾橡負薪讀書不輟遭父母繼母喪  
緇衾複衣飾牆置翼若忘其貧人以爲難子曰琮敏於學教以  
爲文之法闡明經書與義晨夕忘倦性坦白口不言人過急人  
之難家無儲石儲遇無告者推解如不及鄉里敬愛之年六十

四卒

石曰琮字宗玉號璞公顏之子康熙辛未進士初授新鄭知縣當  
滇黔楚粵之衝俟億有午釐好別蠹積弊一清中州漕米題歸

改折舊例發帑採買民苦輓運因自齎帑金豫糴於水次里民便之巡撫徐諮以利弊條上興學校禁鑼戲懲打網汰冗役數事皆舉行會舉品行端方者膺首薦遷宣羌知州寬徭役緩徵賦農桑教化以次具舉超升平涼知府三月丁內艱起補福州知府省會訟獄繁多舞文之吏因以爲利揭示通衢如徇一情而受一苞直神明鑒之臺使咸重其廉正治福二年卒於官福人思之俎豆名宦邑祀鄉賢

石曰瑗字仲玉廩貢生康熙三十三年選寧海州訓導教育士子文行兼勵士子通文藝不爲苟同者獎進之有急難者解囊拯之不止不謹墨吏議者嚴爲訓迪而寬其詳革三十六年歲饑奉檄協賑精勤自矢期無漏澤州人立石頌之旋升招遠教諭

濟南府志

卷五十五

人物十一

國朝

長山

三

告終養歸僉以爲有古君子風

王鴻聲字清譽長山人樂善好施多濟人急遇事從容不激不隨紛難以解居鄉恂恂不摘人隱少年有見侮者避而不較卒令其人愧服壽八旬餘

王朝瑞字徵侯號澹齋鴻聲子七歲時道拾遺金覓其主還之識者目爲大器康熙壬子副車秉鐸壽張升江南舒城令疏通七門諸堰故道立義學捐俸置田舒人爲建生祠立碑督憲異其才數委攝廬桐潛諸邑篆大案疑獄屢批審決外郡訟者叩求一言罷訟升貴州平遠知州將驕兵悍民盡苗猱威德兼施不三月而頑梗胥格丁父艱歸祀補江南六安州舊治繕民墾室稱旣者數千人勵精圖治邑多投繯溺死者訪知城隍廟二鬼

爲崇爲焚牒投鬼於淵糴湯果絕蛟水溢城幾陷冒雨登城以  
礮伐之水患頓息一載卒於官

石聲聞字鳴九號澹園長山人康熙甲午鄉魁授直隸東安令革  
陋規雜宿蠹清塵案慎平反調蘭州徽縣有奸民謀殺其弟移  
尸賀姓門外訪得實寃立白以內艱去起署唐山歲饑賑貸全  
活數十萬戶署任縣蝗蝻起禾方秀恐捕逐踐踏致祭虔禱蝗  
立去題懷柔條議積弊數事上官悉嘉納之以外艱去起補慶  
都九省通衢牛車供役素派民間捐俸雇募除累索卒於官

王棐字非木號在旦長山人順治初貢試優等除知壽州獨行己  
意不肯偃仰隨人鎮將毛銜之以事中傷左遷鞏昌府通判道  
經在平爲流賊所執訶之曰汝曹不爲良民須與大兵至盡殺

濟南府志

卷五十五

人物十一  
國朝 長山

古

汝曹矣遂遇害其家以閒歸葬子廷舉爲名諸生廷揚登武科  
好養生家言不仕

王應統字緒光號敏齋棊之孫廷揚子康熙丁卯武舉戊辰狀元  
及第授山西中路利民叅將三十五年隨大將軍費揚古征噶  
爾丹諸軍以糧重轉售獨行嚴飭設法輸運人笑其迂及深入  
糧綽然有餘三十六年推總河中軍副將

聖駕幸朔方召見於行營改神木副將內邊沙磧黍稷不生惟外邊可

耕詳請令軍民出邊墾種委員巡查課其勤惰歲大稔元氣得  
復遂爲例轉總漕中軍副將調總河中軍副將舊例查柳查河  
類有餽遺一介不取四十一年遣文登副將轉陞河北總兵鎮  
懷慶嚴校閱查虛冒公薦劾積弊一清以盛甲不整遠問尋赦

歸故里後同事多起用以親老終養卒年五十二

王孫枝字桐實十四歲失怙哀毀逾常事母以孝聞丁亥謝賊陷淄川勒紳士具名籍亂定多連染以重貲脫其禍歲稔按日支給鄉里窮乏全活無算又與諸名士結東海社康熙己酉貢於有司授昌邑訓導著有讀書範文規範讀書程俸錢所入輒召諸生飲而饗飧恒不給云

趙孔德字希元之隨長子由廩生援例浙江瑞安知縣嚴禁猾吏勸息爭訟設學校以課士在任四年官署資用取之家豪民不知供億咸以清慎頌之

趙孔超字仲昇之隨次子由廩貢援例授福建浦城知縣訪積盜設法獲其渠魁五人境內肅然邑民鬻產者累次我價構訟出

濟南府志

卷五十五

人物十一

長山

五

示嚴禁積案一清漕糧減加耗許小戶連名合納官稅一千三百餘兩客商多由崇安苦賠累請委員監收豁免四百餘兩船工誤傷人案已定疑其枉研得實請減死士子葉方新妻家以貧悔親嘉其文擢案首以第一補諸生集紳士給花燭迎娶一時傳爲美談調上杭紳耆挽留多泣下者旋請急歸居鄉二十餘年設義學歲荒族里量予口粟卒年七十六

楊閔泰字大來長山人順治丙戌恩貢任大冶知縣禮士恤民除奸革弊闔邑戴之致任歸祀名宦

趙觀光字耿生號九河長山人幼失恃事繼母孝順治戊子恩貢生官大埔令捐資修學宮校諸生帖括三年廉謹稱職以病歸邑人立生祠祀之生平所慕者三人忠子賤陶元亮臨淄石昂

皆邑令而恬退者著有藥萬齋集

苗蒞實字有三履行端方事親奉養甚謹昆弟三人叔氏早故析爨先讓於姪次讓於弟兩妹貧置田園延師教其子歲祿有賣妻子者捐金贖之不能婚葬者助之乾隆五十一年薦饑發粟賑鄰里鮮有逃亡者每歲寒煮粥濟餓設義塾以教里黨舉鄉飲大賓年八十卒

苗序濂字溪塘蒞實子由附貢生充四庫館臚錄議敘州同知乾隆戊戌分發雲南委署雲南府通判誠實明練改署嵩明知州嵩明不開科數十年據形家言改築州前路是科發解者四人州當孔道差徭絡繹一介不取士民樂業改任鎮雄州彝良州同借補姚州分防普洱州判猥夷雜居向無官鹽私販釀禍詳

濟南府志

卷五十五

人物十一

國朝 長山

去

准撥銷十餘萬斛夫馬擾累酌定價銀漢夷交頌之復署永平知縣丙午念雙親老乞歸卒

袁雲蒸字桂芝治性子賦性忠直居心仁厚善事二親友於諸昆季素貧治家有法漸就豐殖族鄙待以舉火者數百家於本鄉建義學設義集樂善不倦遠近稱之至於謙退能忍犯而不校其天性然也

袁景芳字蘭馥號紫蘭雲蒸長子年十四補諸生既冠由例貢授中書改戶部員外遷工部郎中出守廣西柳州府尋護右江道篆調思恩府擢陝西按察司副使巡平慶柳故粵劇郡雜猺獞而思恩之士司散布山谷閒往往煽兵相仇殺初抵任卽開誠布公裁陋規蠲供應土司感動頃之羣巡檢死其弟謀襲職陰

結土目將乘孤幼殺之請兵擣其巢穴眾不敢抗紛紛逃散召  
還餘黨親托以孤孤卒全遂無事郡泊南有河澗二十餘丈山  
水暴漲舟多覆溺捐建長橋行李便之平慶多積盜善馭捕人  
能用命盜遂絕迹慶陽固原連歲旱人饑設法賑濟民賴以蘇  
丁外艱服闋西陲用兵仍以副使効力軍前督餉出巴里坤備  
著勞勩及還病足遂告歸居家尤尙惇大憫宗法之廢收卹族  
人邑中大水比戶艱食因興役寓賑藉以存活者無算卒年六  
十四

袁景文字希周號敬亭雲蒸次子博覽經史弱冠補諸生入成均  
選授太常博士討論禮樂克共祀典升戶部主事稽出入絕苞  
苴懲奸猾檢簿書纖毫必察旋任太倉監督公平精核凡欺匿

濟南府志

卷五十五

人物十一  
國朝 長山

七

影射侵漁濫給之習竭力振刷積弊一清部院奇其才可大用  
累章薦遭疾卒眾論惜之

袁承紉字懋嘉號東山景芳長子雍正五年援例授兵部郎中執

政稱其能題奏事多令主稿逾年出爲廣西平樂知府民謠雜

處夙號難治屬邑有貪婪者揭報大吏閩郡肅然俗競蠱毒親

驗其真僞命試以雞立死焚其蠱風稍革調柳州慎倉庫安兵

民和文武弭盜卹災一循先人遺規稱繼美焉郡城南門內兵

民皆居竹房燬於火捐俸金八百生息易以瓦民呼爲袁公街

逆苗鄧恒之亂撥兵往平之師旋有死於事者於教場設祭親

奠給其妻子銀牌兵皆感泣古州苗變調兵協勦選賢員監紀

請行比至大將軍哈未到總兵韓欲進兵承紉曰苗無能爲不

如俟大兵到時檄令供役不應則明正其罪無勞輕動兵威如其言遂撤兵苗人額香跪送曰我等性命皆監紀所賜也丁父艱歸修學宮建橋梁出粟平糶皆爲倡首卒年六十九

袁承紱字興冕號松山景芳第三子入邑庠乾隆十三年援例除戶部河南司員外郎豫藩奏民間置賣田契法久滋弊倡議詳定契尾格式頒爲通例河南道咨水涸田畝按例升科議將所升田畝倘復被水仍准查明請豁遷郎中請假歸以讀書教子爲樂修學宮建石橋立先祠創義學歲歉則出粟濟乏畧無德色卒年五十九里人建專祠於村南歲時致祭入鄉賢祠

袁承祖字繩武景芳次子援例刑部司務能於其職未幾以父病請養歸里家務殷繁摒擋一切教子弟甚嚴長幼恪循禮法晚

濟南府志

卷五十五

人物十一

國朝

長山

太

著家訓一卷方戒侈靡乾隆三十五年邑令葉謀修城垣倡議率子姪輩捐修城北一面創立闔族宗祠修橋梁治道路置義塾締文社惠流桑梓遠近稱之舉鄉飲大賓卒年七十一

袁承寵字天申號丹圃景文子由諸生入太學初任德安府同知介楚豫之交地瘠民悍佐理其間修堤運銅辦賑釐剔奸弊號爲神君署漢陽荆門兩攝府篆承審應山孝感諸案一洗沈冤荆門土豪尹有章梗化直抵巢穴諭以大義遂歸款升永平州守未赴任改辰州苗獍接壤俗剽悍威惠並施皆帖然辦州大案不避嫌怨承順苗酋不靖檄往治之單騎直入咸悅服開闢六里紅苗歸版圖者一萬三千餘戶籌畫善後事宜規於久大可爲後法升湖北糧道未幾遷臬司先時麻城民涂如松負奇

冤連及其令獄且具閱讞力持之摘發匿奸事得白故吏之銀  
鎗圍圍者皆復冠帶楚人述其事往往感泣其餘平反不可勝  
數逾年護理巡撫兼管鹺政請假旋里爲母建坊鄉居六載補  
太常寺少卿在任二年因母老乞歸卒年六十

袁守侗字執冲號愚谷承紱長子乾隆甲子以五經魁其鄉循例  
授內閣中書與閣中諸名宿結文社受知傅忠勇公入軍機遷  
侍讀改任吏部郎中有所摘發不避嫌怨京察一等轉江西道  
監察御史除兩浙鹽驛道整飭驛傳裁陋規雖應得款項亦封  
貯充公升廣西按察使廣西爲祖父宦遊之地益以家聲自勵  
殫心平反不敢以成案率轉粵民呼爲袁青天丁外艱歸服闋  
乞留內以三品京堂用仍在軍機行走補太僕寺卿兼吏部文

濟南府志

卷五十五

人物十一

國朝 長山

九

選司事晉吏部左侍郎兼工部右侍郎赴滇查審藩司錢度貪  
婪一案調任刑部充方畧館總裁兼署禮部右侍郎赴川赴滇  
赴黔查辦要案暫攝黔撫遷戶部尙書調刑部尙書查辦黃河  
堵築儀封漫口及災賑事宜往來漫工留豫河最久授河東河  
道總督調直隸總督力絕奔競察吏卹民以母憂歸再任直督  
病請解任卒年六十一贈太子太保諡清愨賜祭葬入賢良祠  
著有雙桐軒稿行世

袁守仰字介存號春谷承紱第四子乾隆庚寅舉人官刑部雲南  
司郎中至性過人丁父憂時胞兄遠宦在外視含斂哭絕者數  
次百日內未嘗食餅餌有以節哀勸者泣曰予受罔極之恩未  
敢身殉疏粥不能甘也母卒保陽奔赴扶柩歸里哀毀幾滅性

兄守仲癯癩視醫藥一載餘卒後營殮葬撫姪錫成立卒年六十一祀鄉賢

袁守儀字鳳翥承祖長子由附貢授例授工部虞衡司主事以勤慎稱乾隆十六年管理街道充工部則例館纂修官二十一年提督兩審厥潔已奉公剛直不阿後遷營繕司員外再遷郎中以父年老請假歸不復出監築城垣重修石橋爲邑人所推重卒年七十

袁守謙字子益一字六皆承寵第三子少聰敏讀書輒不忘弱冠丁生母憂哀仆傷足遂艱於步履由三品廕生援例就道職家事悉委焉繁冗蝟集剖決悉當名堂曰是亦蓋取是亦爲政之義父歿哀毀殯葬如禮弟守誠秉晉臬迎母任所歲時往省未

濟南府志

卷五十五

人物十一

長山

三

嘗以公財自奉母歿以己分金讓諸姊妹以田爲祭田擇賢者司之歲早出粟數千石平價糶之每冬給貧人衣數千件族黨有急必贍給或先斬而後與曰蕩不知節者得易耗亦易稍斲使知艱然後予之庶有益耳卒年六十二

袁守誠字孝本號曙海承寵第四子十三歲入泮乾隆庚午舉人與兄守詮同榜父歿服闋謁選授刑部郎中充律例館纂修總理監督事務帑不靡而工加固推升江西瑞州知府大臣奏請以陞銜留任京察記名授內閣侍讀學士擢通政副使授山西按察使核實情以決是非不事恐喝郡縣獄上虛公研鞠椒稱平允兼署布政使治事勤謹以勞成疾

聖駕幸五臺力疾星馳察勘營盤道路入班筵宴送至龍泉關回署卒

年六十四子六人炳員外郎煦甲寅舉人內閣中書薰廩貢生  
袁鎬字西京守侗長子乾隆戊子舉人壬辰進士授兵部主事補  
武庫司晉職方司員外監督馬館吏役贊見力卻之升武選司  
掌印郎中以父病請假歸丁父艱復遭母憂竟以病不起卒年  
五十

袁繼儉字晉南守儀第三子出嗣守佃乾隆三十八年援例授光  
祿寺署正改大理寺丞遷刑部員外晉郎中每具一稿平反出  
入必虛衷研詢以父病請假歸服闋卒

袁鏞字律宣號露坪守仰子乾隆己亥舉人以知縣分發甘肅委  
署秦安卻供應判詞訟案無積贖署平涼府鹽茶同知值歲  
饑捐俸設粥廠日飯失業民大小四百餘口後每於十二月初

濟南府志

卷五十五

人物十一  
國朝 長山

三

設正月晦止歲以爲常時教匪竄甘省調入軍需局酌辦守禦  
安輯事宜悉心籌畫寢食不遑題補隴西報捐員外歸省卒於  
家

袁顯業字著亭號拙菴鏞之子官刑部奉天司員外郎斷獄平允  
慷慨好施戚友貧乏者傾囊濟之一時僚友稱爲長者

袁繼綱字耐菴守謙子由附貢生任刑部員外郎遷郎中俸滿選  
河南懷慶知府嘉慶十八年九月逆匪之變懷郡距賊巢二百  
餘里眾情危懼召士民撫之捐俸千金率八屬練義勇勸民連  
村互爲聲援時陝督那總統大兵提督楊永贊軍務過懷見布  
置得宜深爲嘉嘆又以城近太行請守山口陽武沿河北岸空  
虛請添兵防禦十一月初十日李文成率賊西來警報一夕三

至請截陝兵一千就近殺賊帶義勇數百馳至修原一帶勦堵賊知有備遂折而西十二月賊平回郡沿途士民歡呼馬前曰袁公活我也積瘁成疾卒

袁守珽字笏山景芳從孫承謨之子少好孫吳術乾隆丁卯武舉辛未進士官侍衛勤慎稱職除湖南常德城守營遊擊整練營伍苗蠻畏服兼攝洞庭湖水師營副將修戰艦飭兵甲緝獲水賊地方寧謐調綬益升山西汾州營叅將課練有法奸宄匿跡歷任皆迎養雙親人稱其忠孝兩盡云

袁承焜字天朗景雍子乾隆甲子武舉戊辰進士由京提塘任河南府城守營守備中州歉收軍民告饑捐貲與洛陽合賑濟升陝州營都司軍民攀留立碑頌之調直隸武清營運河水溢復

濟南府志

卷五十五

人物十一  
國朝 長山

三

出資督修河堤堵築漫口爲上憲所嘉晉浙江處州營遊擊卒曲光聯字永輝長山人康熙四十六年任廣西安平州吏目時有猺人擾害數千家捕滅之升江西布政司照磨監收地丁會計明允雍正三年遷四川成都府通判有逸賊七八臬司檄往捕夜夢神語曰汝當向有烟處求之果於審中盡獲其黨年七十致仕歸

賈維楷字端臣長山人由監生援例布政司理問借補安徽亳州州同委辦災賑宿弊悉除乾隆己亥黃水爲災督工築防居民愛戴設長生牌於東台寺以養繼母告歸尤多義舉設周村義學捐地二十四畝董公祠石氏義學捐地七十五畝邑令蕭爲

立碑

王宗袞字美公長山人康熙乙未歲貢官費縣訓導署郟城教諭  
又署沂州學正邑東沂塘閔子祠前銀杏一株大三十圍無賴  
子欲伐之控於學親詣勘訛命博士子世守之自爲致祭祠圯  
久廢詳請復之

郭士泰長山人康熙乙酉舉人選膠州學正在任十七年訓課有  
法士皆化之乾隆七年告歸

張永璦字璞存號系南長山人雍正戊申拔貢己酉領鄉薦充江  
南同考官壬戌中明通榜揀發兩淮以鹽大使試用淮揚大水  
督船救生力請賑恤赴江陰督運由長江冒風險幾危者再不  
兩旬而米至老幼歡呼皆曰張公活我獲水腳銀五百兩曰此  
非囊中物盡市綿衣散之攝篆泗州關奉委賑民教以萊粥法

濟南府志

卷五十五

人物十一  
國朝

長山

三

一日米可三日活呼爲張公粥在揚協理平山書院事闡正學  
明約束士風丕振金川之捷萬里督運以軍功授淮南儀所同  
知未任卒著有五經講義又遺詩一卷

張永璦字調元歲貢康熙四十三年大饑鬻田周恤全活甚眾選  
夏津訓導課士嚴而有法生徒多知名士教諭王丁外艱不能  
歸學田租稅悉以讓之乾隆二十年代判縣事有老嫗以子不  
孝愬動以至情化爲慈孝催科不刑一人而民爭輸二十二年  
運河決協理賑務民沾實惠以老乞休紳士請留一年以病告  
歸卒年八十二

李光祖字念甫長山人乾隆丙子舉人揀選知縣借補鹽大使歷  
任福建洪白福清莆田浦東諸場以剔弊利物爲心公餘進諸

生課以詩文多有登科第者福清有溺女俗出示嚴禁作戒溺女歌詞甚切至貧不能育者給以錢米全活無算辛卯奉調入闈卒於泉州

李廷棟字藹堂雍正壬子以五經魁於鄉由膳錄以大司農梁公保舉挑發山西歷署清源交城徐溝等縣有聲績卒於官才不盡用論者惜之

張若愚字心齋長山人性豁達嗜詩書宅邊有大楊樹人因號古楊先生年十二補諸生十五食飢孝水泚溢建義舉濬之康熙丁酉貢成均選在平訓導學署領額捐資修復士人立石頌德教焉引年歸與袁柳州結耆英社續香山故事壽至九十一

王瑜字白山長山人順治辛卯捷武闈謁選授廣東高雷鎮標中

濟南府志

卷五十五

人物十一

國朝

長山

七

軍海氛未平嚴飭士卒軍民安堵尋遷欽州營中軍地接安南汛兵虛設招健丁如額屹然重鎮題授撫標左營遊擊潮州總兵劉進忠通海寇乘機剽掠率眾壓其境降者數千人黨羽盡散丙辰春吳逆陷廣城啖以總兵官不屈屏迹山中年餘大兵恢復以不受僞職授廣東全省軍政掌印都使司大兵進勦滇黔凡百軍需咄嗟立辦壬戌雲南平投昭勇將軍以積勞卒

王衍祚字錫祉瑜之曾孫父濤立身端直敦內行慎外交樂善好施不以貧富介懷衍祚幼失怙以廉靜退讓自守或以非禮相凌不與校事孀母母或不怡晚請其責母歡然後已母卒痛奉養未逮終身不御酒肉修祠墓置祭田懷重周詩期於垂久好周人之急婚喪不給者多方仗助之捐地立義學俾無力延師

者肄業焉邑合蕭有文以紀其事兩舉鄉飲大賓不就葉令婉轉敦請堅以涼德辭而舉郭廣文塏以自代士論益高之卒年八十二

王衍霖字雨青號鹿村乾隆辛卯舉人祖廷奏官巴州知州父應紱讀書有識解賦性廉介日用不給不肯稍貸於人衍霖性至孝教授生徒甘旨必供親爲烹飪父忘其貧並忘其老質穎敏五六歲時母教以韻語卽能誦記短於視讀書數行並下淹貫博通長於古文詩賦著有詩文集若干卷多識典箋四卷籬下閒談一卷卒年六十二

徐復初字見素長山人孝友醇篤好學不倦由歲貢授寧海州訓導崇正學黜浮華課士以忠孝廉恥爲規爲學以周張程朱爲

濟南府志

卷五十五

人物十一

長山

三

法咸稱爲徐夫子後告病歸卒於家

徐啓新字左翼號煥章復初孫康熙乙酉科武舉丙戌會元二甲

一名選侍衛五十年授湖廣荊門州遊擊陞江西寧都叅將雍

正元年陞湖廣寶慶協副將委護襄陽鎮總兵官六年調補湖

廣督標中軍副將九年帶領官兵二千名赴巴兒庫兒進勦抵

軍營卽派兵一千運糧至阿克苏遇賊大獲全勝分兵防峩崙

磯遇賊戰三日兩夜殺獲甚眾移駐塔爾沁築城垣六處巡

防卡倫六處修山口濬河道在蔡巴什湖墾荒地三千餘畝十

三年撤兵回楚丁艱服闋授湖南永綬協副將升雲南臨元鎮

總兵官調甘肅涼州掛印總兵官乾隆十三年署甘肅提督印

務總統甘省官兵進勦金川由雜谷關出口行至竹克箕地傳

行營中軍至帳發銀五百兩赴松潘鎮採買肥牛一百五十隻  
限四日辦齊復牌示後隊官校一體辦理莫知所爲迨離竹克  
箕數站險阻難行將抵黨壩軍糧不濟各帳官兵牛煮馬料充  
食卽命宰牛三十隻按兵分給歷四日軍糧始至牛尙存十五  
官軍咸頌神明至小金川占固地方距卡撒僅百餘里轉奉

諭旨由原路各回本營仍署甘肅提督印務十八年以年老乞休歸卒  
年七十四著有寧波詩集一卷凱旋歌六章子廸行乾隆己亥  
舉人官雲南知縣

徐瑜字冠玉康熙癸卯舉人初任濮州學正十七年修學宮課士  
子勤慎有能聲升登州教授士民多感頌以病致仕歸卒年八  
十八

濟南府志

卷五十五

人物十一  
國朝 長山

三

杜炳字象孚長任子四歲失怙事繼母無閒言補諸生乾隆乙酉  
拔貢由景山教習授鉅野訓導寬而有制學宮圯倡議捐修五  
月而竣貧士有喪父不能具棺者典羊資助之丙午春饑奉委  
施粥剔弊均惠饑民賴之戊申秋奉委徵糧紳民樂輸二旬完  
過半以父疾告歸服闋署莒州學正榮成教諭嘉慶二年卒  
徐昌琦字盛如長山人家貧服買事親親及哀毀里黨皆爲感動  
友愛尤篤家人有議分爨者兄弟相抱而哭議遂寢其後數世  
子孫猶同居焉卒年四十八子元德由明經授教職

徐文驥字子耘元德子乾隆壬子舉人癸丑進士己未殿試以主  
事分刑部江西清吏司兼理山西司總辦秋審爲人有才而不  
恃才常以明慎自省己已補河南司隨同民獄獄天津時有誣

乳媪圖財斃命案立爲昭雪後隨大學士托赴浙江審案卒於杭州

徐昌燮字果如昌琦弟監生慷慨好義居周村遠近慕義者每以王得交爲榮兄歿撫猶子恩義兼盡嘗乏嗣星卜家推其無子年五十舉一子以爲積德之報卒年五十四

徐旺梅字靖亭服賈事親每有時物必購以奉兄弟四人怡怡無間與人和易樂施予族鄰有不給者傾囊助之有與爭田界者卽以所爭與之舉鄉飲者賓卒年七十二

孫希雍字子仲長山人幼純孝能得嗣父母歡心母夜績就母所讀父病污衣手自滷洗十六歲失怙恃日夜號泣鄰里爲之輟食務農出贏餘以贖貧乏舊濟山秋油爲村西患鳩窠濬入小

濟南府志

卷五十五

人物十一  
國朝

長山

七

清河遠近食其利族弟婦孺居無依代營田宅及卒鄉人會葬者以千計

孫貫一字又魯希雍孫嘉慶丁卯舉人辛未進士改庶吉士授編修大考二等充國史館協修武英殿總纂己卯充順天鄉試同考官道光二年遷河南道監察御史人與之處溫溫若無不可其見義必爲雖賁育不能奪也以彈劾朝貴越次擢工科給事中未幾卒於官

王履吉字貽穀長山人邑增生工書善屬文慷慨多大節一夜讀書漏三下有女子盛飾立燈前驚問故云是諧婆女其母遣來作伴諧婆者曾欠馬價銀五十兩者也促之去不動拂袖出閉戶而加扁鑰焉呼諧婆焚其券俾領女去

周士貞字介石長山人廩生世居周村鎮父鼎廩生七歲而孤長能讀父書有勇力至性過人順治庚寅十月九日嶧賊以周村爲商賈輻輳之處千餘兩集戕掠殺人有數賊至士貞家曰母輕動免汝死士貞怒曰赤天白晝敢犯封疆殺百姓我方欲盡殺汝等以償死者命持長柄大斧連殺其三又傷其四五賊大至刺士貞倒地猶罵賊不屈而死年四十六

崔有忱長山人父世耀病傷寒每夕祝天求以身代療便結面被糞汚吮瘡疽口滿膿血及卒水漿不入口者七日因母病減口爲母延壽母歿終身絕葷兄弟同居五十餘年事兄有恒曲盡悌道兄出必與弟有恂有愷迎候兄至方食兄病瘋痰親奉湯藥五年不少懈兄歿敬嫂如兄撫姪元翰如子年五十三病革

濟南府志

卷五十五

人物十一  
國朝 長山

庚

猶以和好爲囑歿逾年而元翰入泮其後弟姪輩尙同居共爨云

王廷貴字彝之長山人優貢生父士楷以明崇禎壬午殉難新城廷貴甫八歲母以甲申殉節甫十歲哀毀若成人三年不茹葷酒日誦孝經讀且泣師事新城王漁洋弱冠遊庠食餼名噪一時撫兩弟廷掄廷選以次成明經仲弟早卒訓二遺孤俱列膠庠嘗招一奴聞曾業儒周之使去以此感奮成士人邑令多敬禮之制軍朱區其堂曰學窺聖域

聶咸亨字吉偶長山人邑增廣生三畏曾孫性至孝執親喪蔬食三年哀毀骨立歲時祭祀悲泣終日與弟謙亨互相友愛勞書升督學山左嘗舉德行第一以爲多士楷模子四人長際隆庠

生次際泰戊子科舉人候補內閣中書次際禧際美恂恂雅飭咸稱爲一門孝友云

張先甲字器三煜子性孝友幼隨祖官粵東甫九歲值祖病晝夜侍湯藥如成人遊泮後援例訓導康熙五十六年除夏津學以父年高乞終養弟鼎甲堂邑司訓抵任半載亦告歸怡怡色養先甲承庭訓教家整肅子六人皆有聲藝苑

張鼎甲先甲弟性沈毅寡言笑雖燕處衣冠必整接人終日無怠容由明經選堂邑訓導抵任半載卽告歸養親晚歲靜處斗室顏曰倦飛

張嘉字會南先甲三子雍正丙午舉人初任直隸武強縣舊規民納銀輸公費歲可二千餘悉除之調順天之香河絕請餽剔吏

濟南府志

卷五十五

人物十一

國朝

長山

三

弊政肅刑清縣有籍田若干畝初起租民逐一時之利值水旱轉徙逃亡拖欠萬計條陳乞免酌議減輕流民復集雍正十一年秋大水將糶官粟慨然曰若俟上議定然後開倉民德矣乃先開糶而後申詳邑近運河秋水漲溢糧船漂出議開引河親任其勞三載事竣賠且萬餘身家俱敝而香河自是無水患矣在位六年丁內艱歸送者無不泣下云

劉鳳雛字吉士號牧野長山人性至孝以授徒佐甘旨父歿事母孝敬益篤母逾八旬齒盡脫艱於食日三進皆口嚼以奉菴膾穢污親爲浣洗母歿時年已六十五旣葬結廬墓側晨起盥沐哀土築墳跪誦蓼莪詩及孝經服闋反家期望焚香木主前跪誦如故春秋忌辰祭必豐潔率合家行禮輒泣下

于元宗湜之子庠生丁母憂哀毀骨立寢處苦塊不入內室三年如一日闔學公舉其孝邑令給匾曰百行首先

張調字順三長山人事親孝康熙十六年公舉孝行邑令南旌之曰孝行可風四十六年舉鄉飲者賓邑令金給匾曰眉壽耆英調患弱秘症百藥罔效子必第吮之立下咸謂孝子宜生孝子云

趙孔亮字景隆長山人雍正壬子副貢甲辰應試去家百里忽心動與兄遽歸父遭疾在床嘗糞知危號泣呼禱乞以身代衣不解帶者兩月百計醫藥卒不效哀毀幾滅性既葬十餘年間每祭墓必慟哭淚著於樹枝爲之枯

趙孔魁字星斗雍正己酉經魁至性孝友於書無所不窺尤究心

濟南府志

卷五十五

人物十一  
國朝 長山

三

洛閩之旨立身行已期不愧古人性慷慨邑中大利害以身任之白諸當事賴以興革

石聲勳字茂功長山人愉色婉容甘旨無缺繼母性嚴事之維謹四十年未嘗自懈臨終以孝弟睦族務本力農息訟解忿十二字囑其子並及鄉人

張彤功字元錫長山人庠生家貧力耕養親且耕且讀親歿寢處樞側者三年朝夕哭奠出入必告既葬每食舉案向墓遙祭之偶出妻宋氏必代行咸稱其孝以腴產讓兄自甘淡泊族人欲賣其塋樹兩次俱破產留之卒年八十一子來孚乾隆丙戌歲貢生

劉義長山人母年近六旬家貧行乞以養母一日母病思肉食僅

一 小女質以市肉赤身服役以供朝夕皆呼爲孝子

趙興祖字起宗號藻亭長山人父孔倬康熙五十一年癸巳二月舉鄉榜興祖幼穎悟日誦數千言及長博極羣書和厚端方文與行皆爲一邑冠乾隆辛酉舉人著有慶餘堂集笈雪詩草

趙壽春字安宇興祖子嗜學無暇晷乾隆庚子舉人赴禮部試有名士素號博雅與同車縱談經傳子史亶亶不倦壽春徐曰君所言多異余所聞者卽一一誦成文令自對勘瞿然曰倘君不言豈不終成余過邪癸卯以讀書成病卒

趙象曾字魯庭未弱冠卽著聲譽性孝友胞伯叔五人父故篤於友于雖析箸衣食共之父歿事諸父無少怠後相繼卒棺殮從厚不以諉厥孤鄉里有干以非禮者不與較

濟南府志

卷五十五

人物十二  
國朝 長山

三

王樾林字公鐸長山人英年食餽恂雅飭不苟言笑母病禱於梓潼祠願損己壽十年以益母壽不數日病已論文以氣骨爲主誨人以實行爲先乾隆壬申恩貢選教諭以父年近九旬不就職卒年八十一季子煦癸卯舉人

孫裕德字廓菴長山人歲貢生本房姓與孫爲中表因嗣孫氏年九歲聞生父母卒潛泣見嗣母轉涕爲歡事親盡子職生養死葬禮無少缺囑其子曰汝日後生子務兩姓兼承以敦水木之誼業師王基歿鬻田以經紀其喪獎掖後學成名者眾卒年七十五

李玉字美石長山人畧知文義時肯誦孝經能兼五七人食多膏力青州參府聞其意欲以三人糧收之饒不就獨居養母三

十年及母歿鬻宅廬墓三年後老益困不自給入白雲山餓死  
張明珠字夜光長山人幼失怙事孀母孝謹母患疫藥罔效每夕  
祝以身代兩閱月病愈捐貲倡修重興寺白沙溝橋助人婚葬  
鄉里以善人推之

石行萬長山人父汝文年七十餘得消渴症訪名醫奉湯藥病未  
痊腦後起惡疽氣息幾殆以口吮膿血疽漸滅又得喉閉症水  
不下咽者五日慟哭無計爲嘗糞曰穀氣猶存而醫云不治命  
在旦夕乃焚香泣禱以杯水供神前願借己壽至夜半視杯水  
有異色急以飲其父含水移時喉立豁諸病次第愈飲食如常  
時年五十二侍父病衣不解帶者八越月而父得以無恙云

高金聲長山人性孝友母病醫罔效嘗糞語醫曰母病當卽減遂

濟南府志

卷五十五

人物十一

國朝

長山

三

勿藥而愈居鄉尙忠信爭訟者排解之無不立釋由歲貢選訓  
導以年老不赴任卒年八十七

石方龍字龍章長山人性孝謹周急施藥好行其德母年六旬患  
疫疾長跪祈減年以增母壽逾兩月始痊餘症須針期門穴未  
審其處朝夕揣摩恍惚見緋衣人指曰穴在此如是者三針之  
果愈母歿廬墓三年卒年六十

李楫長山人事親以孝聞胞弟檜外出浙江以病卒跋涉數千里  
負弟柩並護其妻子歸爲延師教之俾成立乾隆四十年舉鄉

飲耆賢

劉相字惠臣長山人八歲失怙弟在襁褓家極貧母紡績度日歲  
大疫母病瀕危年十四晝夜號泣里婦給之曰須烹汝肉始可

救汝母耳卽於僻處割其股肉熟以噉母果愈母見其蹙蹙行詢之里人以告始大痛洎長性恬默與人無競與弟友愛同居卒年六十八

李開太長山人父見龍患痢疾五閱月醫治罔效晝夜五十餘次號呼無計中夜泣禱若父痢不止當吞其穢旣而仍痢遂吞之痢竟止疾遂平邑令蕭表其門曰天鑒純忱弟師愿嘉慶辛酉進士

朱廷棕字雲軒長山人優貢生性嚴毅樂施予南門外永安石橋圯倡義募修捐貲成之范文正公廟殘破鬻產修葺復還舊觀應試濟南遇賣妻者見之惻然贈三十金俾克完聚荒年施粥臘底散餘糧族黨歲以爲常

濟南府志

卷五十五

人物十一

國朝 長山

重

朱麟符字陶菴號青石廷棕長子乾隆壬午舉人任壽張教諭性純孝篤孝友好結納時有定陶能令被議無力回里破產贈千金熊賴以濟門下寒儒亦時以俸金周其乏屢委放賑清查戶口胥吏無所容奸值逆匪王倫之變被傷以病致仕卒於家

朱思琪麟符子能詩工繪事弱冠入邑庠受知學使趙鹿泉求三十卒士林惜之著有方川詩集

毛啟元長山人家貧好義乾隆五年在村外拾得白金百兩攜至路勿神廟前守候失主越日尋至舉而付之失主求分錙銖不取縣尉劉宏謨獎以衣物亦辭爰匾其門曰遺金不昧

孟長智長山人監生援例州同知性孝友能操親心服賈數年財

產悉與兄弟均延名師課子弟一門之內并族聯芳皆行

遺金百餘兩訪之爲濱州盧姓所遺往返百里覓其人還之高苑無賴子數侮之不與較後聞其以事荷校憐而脫其厄

朱洪遠字儀公長山人龍光曾孫志行醇謹嘗遇婦人賣其子詢知翁姑在堂饗發不給與白金十兩粟數斗俾其母子完聚舉鄉飲介寶不就年九十九卒著有光裕集行世

李世忠字蓋長山人六歲失怙事母以孝稱樂施予歲設施衣食以濟貧寒偕同鄉董元璋捐金二百兩於村南韓信溝建利濟石橋以通行人卒年六十四

趙毓藩字价人之隨曾孫附貢生候選兵馬司正指揮性慷慨學宮大成殿明倫堂皆獨力捐修歲祿捐穀爲紳士先毛張莊孝婦河舊有板橋自其曾祖創石橋歲久圯出貲重修之年七十

### 濟南府志

### 卷五十五

人物十一

國朝

長山

三

### 二卒

趙棟字隆吉毓藩子附貢候選刑部司獄性孝友買婢金姓聞已許字包氏立歸其家復售於他族將爲媵妾又以重貲贖歸令畢婚晚工山水善鐵筆卒年五十四

楊文緒長山人監生援例國子監典簿雍正八年大水田皆淹沒捐粟百餘石貯周村鎮令族姓及鄰里按戶口五日一次支領以濟饑厄村人得以全活無逃亡者年七十八卒

梁世德字勝先長山人鄉飲者嘗於村內建義學一所捐地二十畝鄉人感德勒石以誌

石一麟長山人六歲失怙事母以孝聞康熙四十二年邑大饑收恤族人及戚鄰按口給粟五日爲期賴以舉火者無算年七十

石希璋監生喜施濟村西董孝子祠舊有四賢講藝所自乾隆五  
年石氏建為義學歲久漸廢與賈維楷捐地百餘畝葺學舍延  
名儒招生徒采芹食餼者接踵而起

杜籌字懷遠長山人候選府經歷性恬退琴書自娛喜濟人急冬  
杪春初族鄰中有貧病者柴粥衣裯竭力調恤咸以長者稱之  
年七十二卒

趙允升字大猷長山人以七藝入泮歲科試每冠其曹食餼三薦  
不售乾隆庚申貢成均選蒙陰訓導托疾不就著有治喪遺規  
力說奢靡之習

李凝德字道叢長山人明大司農士翺之十世孫讀書寓目不忘  
濟南府志 人物十一 卷五十五 國朝 長山 五

補諸生食餼樹幟文壇陶鑄生徒姪本榆登第入詞垣其遺教  
也乾隆己酉恩貢好古敏求孜孜不懈年六十八卒著有深柳  
齋文集

杜克舉字樊侯長山人嗜讀書九經三史皆淹貫為文豪邁能備  
眾體居恒陶情詩酒每放浪於山水閒述懷詩云春酒同酣花  
未落秋山獨步雨初晴遠近多就正焉書法鐵筆與父稱濟美  
云

李英文字俊周如楷次子郡庠生步趨謹飭凡事講退讓法舌耕  
四十餘年談文藝娓娓不倦子姪悉受薰陶與兄昌文白髮對  
牀有李氏二老之目年七十二卒

楊統長山人初遊少林拳真絕人年二十餘讀孟子愛人者人恒

愛之二語幡然曰惡用拳勇爲哉反躬克己與人無忤毋效築室墓側有事他出返必跪稟墓前每日掘土數升覆於墳上二年不輟

張希曾長山人所居村西鄰淦水父在日欲砌石梁以便行人未果力建大橋一券石壘東岸高護其村周村鎮西駱駝堦梯子堦皆往來要路爲山水所激過者心惕倡議築之壘以大石費數千緡年近七旬而歿

張文松長山人雍正八年村西傅家橋圯於水父培業欲修之未及而歿文松承父志成板橋乾隆二十四年復出貲修石樁子承潛於興工日入泮邑令文以孝義可風旌之

張有霖字商霖廩生援例貢成均揀選縣丞篤孝友重道義以腴

濟南府志

卷五十五

人物十一  
國朝 長山

美

產數項讓其兄嚴課諸子承璜等德行文章冠一邑康熙四十三年大饑鬻產周恤族戚賴以全活者幾三百家

許淑顏長山人仁厚孝義壽至百歲嘉慶十九年學使張奏聞蒙

欽賜七品秩及恩崇百齡四字匾額

張宗純字含萃長山人性醇謹孝友非難解紛不惜貲力鄉里賴之舉鄉飲介賓嘉慶丙辰恭與千叟宴蒙

恩賜詩杖銀牌衣物給八品銜夫婦雙壽五世一堂卒年八十四

張持衡字秉鈞性孝友父歿廬墓三年修木橋以便行人舉鄉飲耆賓邑令蕭贈額曰輝映商芝嘉慶元年與邑人孟自修同與

千叟宴壽至八十餘歲

徐恭新長山人年九十四歲給八品銜子三人孫六人曾孫二人

元孫二人五世同堂家守孝弟遠近稱之

安景伊字莘公長山人以耕讀世其家年八十二歲子三人孫二人曾孫一人元孫一人孝友雍睦五世一堂

王其位字素臣號南村長山人祖汝鋹父鳳崗兩世單傳其位由附貢生援例州同知事祖母及繼母孝理家政凡事必白然後行道光元年舉孝廉方正固辭子二人孫三人曾孫二人元孫二人來孫四人晁孫一人七世同居少長和順益都陳山帽爲之序

濟南府志

卷五十五

人物十一  
國朝長山

七

耿鳴陽字爾楷號向亭新城人罇之子生而慧了悟絕人弱冠補諸生食餼與昆仲同筆硯文采聲華交相輝映兩兄成進士獨不售父歿好行其德里中有貧措大不能備服爲製縫掖襜如也僂者餐寒者緼繆者室逋者租猶外府然乙卯大禋白骨載道每出必以藁裡從事其高誼類如此歿後督學使者屢舉爲多士勸嘗以四科重望表其廬云

耿庭楫字濟然鳴陽子持身端潔未嘗與人忤壬午城陷長子宏烈以身殉難楫逸出兩騎追之見白衣人御走以歲貢授夏津訓導值土寇跳梁與縣令晝夜守陴城賴以全寇平與諸生立社會文比屋絃誦遷范縣教諭寇亂之後城無居人勸督士子

濟南府志

卷五十五

人物十一  
國朝 新城

美

復業文教漸興丁憂服闋補昌樂教諭遷靖海衛教授一載遷鎮西衛經歷所至皆有善政致仕後三舉鄉飲大賓

耿庭楫字暢然鳴陽子弱冠補諸生順治乙酉選鴻臚寺序班繼母病篤禱於神求以身代未幾果愈壬午遇變徒步負母避於錦秋湖上名人多有贈孝之篇兄弟同炊無閒言晚好岐黃施方藥濟人甚夥嘗膺重病夢一神云汝孝子也當延壽一紀年八十七卒祀忠孝祠

耿宏啟字承哲庭楫次子博通經史順治丁酉舉於鄉己亥成進士初授廣東高州府推官剛正廉明一郡肅然尋補雲南廣通知縣滇省初附民心未定勞來安集之緩催科撫流亡建學校課農桑一時有耿佛之稱值大旱焚香步禱三日內得大雨者

二康熙甲寅吳逆叛率士庶守陴越七年亂平忽憶錦水花山  
故里致仕歸囊無贏餘

耿宏勳字丙旺錚曾孫忠厚待人恤貧寡樂施予汲汲如不及而  
嚴正端方之氣人皆憚之居鄉數十年耳不聞鬪鬯目不見游  
惰鄰里事有不平悉以情說理遣得不致訟藩司賜以匾曰有  
道之士

耿位字素其墀之子邑增生有文行性敏嗜學善屬文能鼓琴鄉  
試嘗中第六榜將發易之一時有劉蕢不遇之嘆經史皆有手  
錄本著易經說約藏於家晚年處斗室足不至市植花卉與知  
己賦詩興酣卽出素琴鼓之八十餘卒

耿志漣字濟北邑庠生孝友好施同里田某貧鬻其妻兩爲贖之

濟南府志

卷五十五

人物十一  
國朝 新城

三

許穆兩姓無葬地捐予四畝五分給以券買河墀地十畝五分  
儲補路修橋之資著有勸人俚語晚年遇丐者爲之按摩瞳明  
如少時齒落更生卒年八十八

耿宗宣字旬來號東溪志漣子乾隆丁卯領鄉薦授河南項城令  
初至訟牒紛如知爲惡棍上五虎下五虎造孽獲其魁重笞繫  
之獄其母乞釋牽出示以母恩諭而遣之感泣去劣生袒裸煦  
哮自己及酉反覆告以忘身及親之道其人慙服自是惡人斂  
跡五日祇收訟詞十餘紙後家眾過懷寧車陷於水倉皇開有  
大呼率眾以出之者問其姓名卽繫獄乞釋之入也賞之堅不  
受是夏河決四境爲澤國親履查勘凡三稟吏以爲憚執不可  
曰有民責者不爲身家計卽令四門結筏運糶糶於四鄉煮粥

爲哺凡動倉穀七百餘石民阨以濟上官嘉之新蔡有變相距四十里奉檄募丁護界經畫有方賊竟不至逾年麥熟以紅帖示里下謂方過災難不忍僂願完者自輸不能者不強也百姓踴躍數日納銀八千餘秋復患水以目疾失明致仕貧不能歸上憲及同僚資之乃就道抵里未兩月卒

耿志遂字縣五若損子邑諸生好施予族黨貧者遺以金粟歲饑施粥於東郊就食者日數百人友人負債三百將質於官代償之訟得解佃戶鬻女母女抱哭出五十金贖之有異鄉人苦旅邸中詢其始末助以百金使行其人問姓名不告卒年七十一耿克仁字錫祉號岱巖父宏煒死辛未潰卒之難克仁年十八從母在外祖家聰穎過人方五六歲時聞塾內讀書聲徘徊不忍

濟南府志

卷五十五

人物十一  
國朝

新城

四

去就外傳授書上口成誦融會經史千言立就未弱冠補諸生

康熙壬午領鄉薦己未成進士銓山西嵐縣令屬太原素難治

常服膺程明道之言存心利物以慈惠爲本息獄訟抑胥吏敦

農桑美風俗值歲饑捐俸賑濟旦夕焦勞富室感泣曰是真父

母矣竝出己財或佐賑衣或佐賑食全活數萬人折獄不甚拘

於律謂律設大法禮順人情不教以禮而繩以律何所措其手

足聽斷時禮義廉恥四維口講指畫和平惻怛以至誠相感通

踰年後訟者絕少案牘幾廢邑多差役他令時吏徵發數行或

至夜不絕克仁惟輸解上官乃遣役民亦信其愛已常先期而

赴俗素澆出分出贅者比比是痛禁飭之種樹畜養各以口率

懇切教誠且以身先賤惰游知禮法倉庫實德行修循良之實

蜚聲山右遽與終養之思遂告歸耆老紳士送者數萬人立碑誌遺愛屏居桓臺承意色養終身不出

耿宗璋字禮南克仁曾孫監生性孝友姊適長邑張姓家道凌替迎養於家四十餘年及歿厚殯之邑有興作輒身任之自出貲財建修辛未殉難映明公祠族黨有負債被訟者出數百金代償無吝色張文炯額其堂曰淳風里望

耿宗譚字桓東性慷慨村南十數里每暑雨盡爲澤國兄宗詔思爲數十里弭災經畫未就宗譚踵而成之請於官集近村夫役環莊南通一渠名曰龍鬚溝舉鄉飲介賓卒年九十四

耿思躅字輝菴繩之子庠生精於考據名臣奏議學士詞章金石銘刻皆蒐羅而纂輯之於先人言行著作彙爲成書有流芳錄

### 濟南府志

卷五十五 人物十一  
國朝 新城

望

二卷世蹟錄二卷嘉頌錄一卷內則錄二卷奏疏八卷文畧四卷詩集四卷藏於家

耿思濟武生家居恂恂矩步齊莊樂施予莊田所入賑恤不少吝家中落志澹如也嘗遭訟累戒子孫以和厚退讓片紙隻字不得入公門子孫奉以爲法曾孫維益嘉慶庚午舉人

伊光前字覲文號大恒新城人覺民長子弱而才比就外傳未幾成章脫穎童科駕馭多士父年耄門戶之累悉萃於身孝友敦睦樂施不倦苟得爲恥一介必嚴讀書好古勤有義方垂三十年而以執喪病悴遺書誡其子曰讀書有成富貴報稱能爲良臣乃稱孝子與僚友遊勿佻勿險勿貪貨賂薄信義若失人理卽逆天道人可欺天不可易也卒年五十七

伊光啟字開雍一字純仁覺民次子性淳朴內行尤謹事繼母如所生事兄如父謙挹儉約居嘗布衣蔬食出則徒步無高車大馬兩子自官邸製綺紈以進歲時一御輒笥而藏之時植杖田閒與田父話桑麻量晴雨避竈爭席人我兩忘不知其身之貴也康熙戊辰得末疾不起年九十卒

伊闢字盧源號翁巷光啟子幼出嗣伯父光前生而岐嶷與母弟嘯同學齊名順治戊子領山東解額第一乙未成進士改庶吉士入翰林歲餘遷廣西道監察御史丁酉巡按山西清白自矢務寬大尤矜愼獄疏請減釋者前後七百餘人凡有薦達必衷於公議差回掌京畿道事康熙庚戌擢光祿寺少卿轉通政司右叅議是年十月擢右通政戊午九月轉左己未八月進太

濟南府志

卷五十五

人物十一

國朝

新城

望

僕寺卿十月進太常寺卿十二月進大理寺卿會大兵入滇鎮撫需才庚申三月拜都察院右副都御史兼轄建昌畢節等處地方贊理軍務感激

兩朝

恩遇又以退方新附兼程而南時方溽暑歷五谿毒淫之地上霧

下潦不遑啟處及抵昆明諸道大帥畢集主客兵以萬計所需屨履糧糗芻茭之屬稱是咄嗟取辦手口拮据頭鬚畢白未幾病作然猶殫心區畫密疏請禁擄掠以收民心辛酉五月病革遺疏以不及見滅賊爲憾薦布政司王繼文自代後五月雲南平祭葬如例遺橐蕭然提督貝勒諸公共伙助之始得歸在臺二載章疏多削稿所存按晉奏議及輯錄名臣奏議若干卷祀

鄉賢

伊嘯字允陟號聽菴闈之弟順治丁酉以春秋領鄉薦明年成進士康熙元年謁選得恩南府推官二年改補宜國府推官癸卯爲同考官得十八九成進士六年裁李官補廣宗令以內艱歸服闋補望江首謁麴公祠誓以古人爲師清吏胥緩征徭嚴保甲望江人歌之曰使君之清清莫比但飲雷池一杯水二十七年武昌叛卒亂漢黃被兵望江與黃梅錯壤訛言繁興集父老爲預度成敗禍福嚴備以待之已而賊敗滅如所言居望江七載丁父艱歸遂不出卒年七十一祀鄉賢

伊作楫字利川闈之子歲貢生性介潔嚴義利之辨嘗捨金四百兩封題釐然乃以重紙糊之默記其數而播其事於外旬日有來認者言皆合遂出篋還之人知其貴公子不敢言謝願乞名

濟南府志

卷五十五

人物十一

國朝

新城

聖

字廣爲傳說辭曰不負吾心足矣又以汝金買吾名哉

伊矩字均方號沈心居士性慈仁歲大禋施粥門外每晨如市者二年製藥施及百里外建義塾延師訓族人之不能讀者晚年結放生惜字諸社暇則焚香靜室習經史配傅氏亦聰慧知書每論辨往古某忠孝受福若何某奸佞受禍若何以相懲勸僮僕習聞其說話及桑麻閒故鄉有伊家奴會說書之語訓子嚴而有法經史詩文皆親指授仲子應鼎乾隆丙辰進士

伊桂字丹木號鳳翥闈元孫歲貢清汧子出爲叔父清沂後十二

入邑庠乾隆辛酉中式順天鄉試辛未成進士由教習授廣東

普寧令邑近諸苗好鬪每鄉立長一人諭以利害舊有大瘋院

爲廣施方藥以防未然疾入院者加意調治全活甚眾山出白

金多以礦事叛援傾陷爲厲禁以絕其弊無留案無冤獄提唱  
士習文風丕振丙子爲同考官所得士後皆爲良吏移疾歸士  
民泣送爲立生祠起補山西徐溝縣時石菴相國知太原府事  
素悉其能邑中利弊計無不聽南郭外因舊河興水利民賴之  
同戈驛地下溼馬多病死捐俸移諸高埠又遣人赴北口買馬  
足棚建碑記之民間永免差役方次第修舉以同寮事望誤罷  
歸邑人立祠祀之桂能文章與兄松爲雙壁卒年六十三

子振翼字搏萬始祖仲德自文登徙新城三世至同卿壁又五世  
至振翼爲邑諸生性倜儻氣度豁如好義樂施鄉黨有患難傾  
身排解惟恐弗逮邑有大利害慷慨陳諸邑大夫必求濟而後  
已感知以貧乏告傾囊橐無吝色嘗售伯兄田伯兄晚年困頓

濟南府志

卷五十五

人物十一  
國朝 新城

四

還其田不責直及歿子幼舍斂祭葬皆身任之人以爲難

于維世字回狂振翼長子少爲高才生博通經史文章渾灑有奇  
氣諸生推爲祭酒數奇不偶以歲貢終晚之嗣一旦召逋負者  
悉折其券未幾生一子

于覺世字子先號赤山振翼次子順治乙未進士初授歸德府推  
官服政七日裁補集縣令甫下車捐募賑饑齋宿祀蜡蝗飛出  
境甲寅逆藩之變大兵南發有令秣馬休甲於盧十日軍糧不  
能卒辦郡守檄益其事至卽啟親王曰禁旅無譁所需不給咎  
在令軍旣戒嚴乃下教郡民謂爾所有釜糧糧悉出於軍官  
給以時值籍記分發指顧而集諸邑菽芻亦復時至巨寇宋標  
率黨蔽江而下將窺入焦湖偵知之伏鷁勇於邑南郭之竹索

橫渡聞寇方揚颿而至城上鉦鳴矢發生擒其巨魁奪其器甲  
餘寇奔散巢俗崇巫而尙鬼王子冬夜比屋投石羣議祠祀以  
禳之令曰烏有城社之妖而敢如是密緝之得作好者二人置  
之法其事遂息擢刑部主事轉員外禮部郎中辛酉典試浙江  
竣事以僉事出督廣東學政報最以叅議候補歸里辛未卒年  
七十三著有居燕使越嶺南諸集

于勤學號微泉奎之裔甘貧樂義鄰人遺金百兩疑僕竊於野外  
得所遣悉還之僕得白後又拾金十餘兩亦訪其人還之其人  
老而貧且有急難謝曰非翁我無死所矣又於道左見衣飾一  
篋守待之晚一婦人泣而來細諭所以亦如數付之邑令徐高  
其行舉鄉飲大賓

濟南府志

卷五十五

人物十一

國朝

新城

聖

于先登字道夫號會公勤學子順治辛卯舉於鄉任浙江川縣令  
邑素凋敝緩催科問疾苦建學校課農桑治爲諸邑最浙俗健  
訟朔望日集大眾於庭委曲曉譬聞者感泣相戒勿犯法近山  
多虎出沒通衢閒行旅苦之投牒於神虎遂屏跡土寇數百人  
據紫金關謀爲浙患覺之諭以禍福竟解散爲良民未幾以病  
歸踰年父歿以哀毀卒

李采蘭字秀揚先世自長山徙新城幼貧年二十餘始感奮讀書  
日夜攻苦不親床席學遂有成親教諸子督課不少假性好施  
予不以有無爲辭往往貸錢以赴人之急至鬻田宅惠人子母  
恢廓忍讓橫逆之來坦然不較嘗云將此身在天地間與萬物  
一般看有何是非人我人服其德量境內學宮祠宇橋梁率倡

修之舉鄉飲大賓者十一卒年九十五

李鴻雷字仲默采蘭仲子十二歲入泮時文競尙諸子獨究心程朱之學爲文一根於理崇禎壬午舉於鄉順治乙酉授隨州知州漢東大都更闖獻之亂城市爲墟莅任未幾闖賊餘黨一隻虎擁大眾犯隨率家人胥役閉門登陴發巨礮賊不敢犯未期年流亡漸復修學校進諸生講濂洛關閩之學三年報最中丞御史交薦戊子擢順德府同知會姜瓖叛大同河東大震身任城守露宿睥睨樓櫓間閒諜不得逞如是累月賊平解嚴壬辰遷順天府治中甲午以順天鄉試推官將卷舛誤應議不辨丙申左遷兩浙鹽運司運副疏陳商竈不便者數事署海寧縣事舊逋數萬請自今歲十月迄來歲四月奏銷之期祇徵舊逋五

濟南府志

卷五十五

人物十一

國朝

新城

吳

月後新絲新穀登始徵新稅民力未絀新舊不至相奪五年之逋可次第畢方伯善之行之期年而效南米積弊解役與歇客潛通糧道胥吏以完爲欠徵解再三民無所訴定爲官收官解之法刻石縣治吏不得肆奸每歲漕糧旗軍挾制以恣需索力除其弊斂手奉法署嘉湖道事值歲稔市河久塞商賈不至設粥廠於河干饑民就食因募濬河閱月工成民無流亡商賈復通壬寅以閭餉不及額罷歸巡撫將疏留以親老力辭歸田三十餘載布衣蔬食坦步當車邑中大利害必侃侃爲長吏言之縣西北歲罹水患着平心說巡撫桑公採而行之卒年八十二

李鴻霖字季霖號厚餘采蘭季子順治甲午舉於鄉辛丑會試中式康熙甲辰賜進士考授內閣中書舍人丁巳分校北闈所取

多名士戊午典試浙闈得士六十四人稱極盛辛酉修實錄癸亥告成擢刑部浙江司員外郎尙書魏象樞稱其明練老成繼聞父計魏公致書曰刑曹繁雜得一好官如獲國琛子以憂去予心感焉且重爲西曹惜丙寅起復時河淮屢決將濬下流導之入海以才能推擇會同工部侍郎孫任豐往審度形勢凡河流所經目觀手疏萬餘言瞭如指掌未幾工罷轉戶部郎中修明條例戊辰出知雲南元江州會久旱下車卽詣壇禱雨雨降以爲未足復步禱大雨隨降水深數尺民感曰李公雨又以養民莫如農教民莫如學躬行垌野勸農以勤惰爲賞罰設義學延師分曹訓課之於是民知力田讀書常赴臨安道經村墟聞童子讀書聲呼問焉則其叔撫兄之孤而教之賞其叔而隣邑

濟南府志

卷五十五

人物十一

國朝 新城

七

之來者日益眾元江舊俗官解所需皆取給里民盡革之苗蠻部落十九種散處二千里樂其爲政清而和咸戒其黨勿爲邊隅患未幾以疾卒於官入名宦祠貧不能歸葬上官僚友交購乃得歸卒年五十八

李嗣真字愿中鴻雷子生而穎敏讀書觀大義不屑爲章句學少與弟嗣貞齊名順治庚子舉鄉薦第一康熙丁未成進士生平不輕然諾義所當爲不顧夷險皆以擔當大事期之竟不沾一命而卒著有文集二十卷

張浩然字孟養新城人羽鳳次子崇禎己卯副榜准貢性孝友少與兄炅然弟炳然儼然以文學齊名兄弟九人辛未三弟同難一爲立嗣兩撫遺孤迄能成立壬午四人復罹大憐力撫諸孤

兵火中存亡與俱長兄良然有遺腹子多方撫育歷十八年疾病患難朝夕不離絕意仕進隱居別墅年六十七卒

張祿徵字曰總號西野浩然子康熙己酉舉人庚戌進上任鄉寧縣令邑多山民囿於風土率鄙儻不中禮爲刊善俗約言一書每月吉集眾於庭而講解之以敦本力農爲亟境內翕然孝子趙葩家貧甚竭力奉養承歡無閒親加存問旌表其門時周給之士豪喬日茂闔邑側目廉得其實立斃之葺學宮清徭役率多實政

張元徵字長人浩然子性英異與兄祿徵嘉徵同受春秋於王木青學問深邃康熙乙卯經魁連捷進士授山西靈邱令地瘠民貧有蠹吏侵國課官民交受害下車立除之勸農桑禮高年講

濟南府志

卷五十五

人物十一  
國朝 新城

四十八

法課士多實政當道交章薦以卓異行取禮科給事中丁內艱歸服闋起用旋以疾卒

傅展字彤臣號麗農新城人父世準母夢旭日入懷而生讀書十行下過目終身不忘家貧肄業華嚴寺寒暑不輟至廢寢食一旦豁然皆如夙會明崇禎壬午副榜順治初貢入成均肆力爲文章自經史旁泊諸子稗官之書無不博綜辛卯中省試乙未舉於禮部丙申筮仕河閒府推官明允爲畿輔第一丁酉行取御史者再戊戌授山西道監察御史己亥掌山西道事凡熱審數千人題驛壁云直道餘風今尙在士民接踵問平安舟抵彭澤饒九道陳韓遜入白事請閒曰九江兵且變奈何詰曰餉足

乎曰壓餉七月矣笑曰有司罪也能辦兩月餉乎曰可曰吾事濟矣疾馳湖口詰朝逆風而渡鎮卒列營東郊將弁迎道左屐具威儀入將弁入謁諭之曰西江無事將儒兵驕久矣然兵仰於食兵不用命率由枵腹吾奉命按茲土知此地缺餉七月有司玩愒行當按之今先給餉兩月汝等宜畏法紀召九江守給餉如額士卒皆感泣事遂解散撤差就道陳情歸養林居二十餘年日以砥名行厚風俗爲先務卒年七十四

張朝宗字采臣號敬齋其先自棗強遷新城世有隱德父熠斗生五子朝宗其三也幼穎異長與兄朝宗弟朝寵以文章齊名康熙壬子以第三人舉於鄉癸丑成進士授河南偃師令古緱氏與洛陽錯壤自流賊陷洛陽屬邑戶口十損其八順治初招集

濟南府志

卷五十五

人物十一  
國朝

新城

四九

流亡漸復故業有司緣以爲利奸胥乘之中州之民不苦正供而苦私徵下車悉與革除司府胥役挾勢恫喝侃侃言之無所鯁避暇進諸生論文較藝慨然曰伊雒之間嵩岷之交古都會理學淵藪也士風奈何不競乃立科條月兩試之優其廩餼隆其體貌士皆感奮自勉於學科目相望又立義學延耆宿以訓邑中子弟絃誦聲比屋相聞士以不學爲恥省刑罰減踐更通鹽引次第舉行了卯奉檄爲同考官得士三人歲事歸五日而卒年四十二邑人罷春巷哭如失怙恃祀鄉賢

張慶麟字龍友朝宗長子父卒時方七歲九歲能屬文十一列龔序弱冠肆力於詩古文嘗於壁間題句爲何端簡所賞後益工性喜閒靜晚年築室邑東鄉閉門御掃不關塵俗至攜客載酒

遇佳山水則流連竟日遊歷吳楚閒甚久多題詠歸自號蘭圃  
取深谷意嘗曰小詩遣興安計工拙博聞強記多識舊事四方  
徵文獻者多諮之所著古今體詩爲南遊草荏撞集別有雜文  
數卷選古十二卷卒年七十

張希平字方仲號霽巖慶麟子乾隆甲子以書經魁鄉薦晚年選  
貴州餘慶令古播州地處萬山中民以爭山場構訟積案甚多  
爲親履勘斷人皆悅服值早饑以部價糶常平倉穀考覈嚴密  
民沾實惠又以添設夫馬大爲民累求減裁歷陳其苦狀事將  
行而以他故去官民持香遠送三十餘里歸籍後仍以講學爲  
事遊其門者文皆兼先民法程有澹詒山房詩四卷雜著一卷  
張希駿字右衡朝宗孫慶甲子歲貢生自幼功重窮經不尚舉業

濟南府志

卷五十五

人物十一  
國朝 新城

辛

學使者試必前列中年赴省試何端簡賞其文曰者以爲德亨  
運屯遂謝制舉潛心理學於洛閩諸書外兼取元明以來三十  
餘家辨其得失晚年於精義輯畧或問語類外諸家有發明者  
存之蔓延者刊之共爲一書又有遺說一卷卒年七十六

榮開字文啟號洞門新城人明孝子良貴之裔父鏃諸生開甫七  
齡有成人度順治丙戌舉於鄉遇父艱兩弟幼一身任之有孝  
義稱益自攻苦乙未會試進士時以學校爲重選青州教授以  
文行與諸生相砥礪庚子遷國子監助教辛丑奉

詔八閩歸橐中止建本數百卷壬寅擢工部屯田司主事督工

孝陵日夜操筆從事者兩歲乙巳撤歸仍補屯田丙午鄉試協理禮部

磨勘之員丁未甄別列高等八月督催南河以母艱歸服闋補

都水督修鞏華城時方溽暑力疾於役暈勉始終以勞成疾卒年五十一

王與敕字欽文號匡廬新城人明布政使象晉子性孝謹尤警慧順治初貢太學時中原甫定部議越資格用之以父年老兄殉節不謁選徑歸就子舍潔和甘旨每歲時率子婦奉觴壽一門五世羅拜庭下父年九十三終哀慕如孺子孤居一室屏卻塵務嘗爲詩輒棄去曰吾偶寫懷抱如絃之有音絃停音寂矣乃欲復索之於無有耶世稱其隱不違親貞不絕俗卒年七十七王與階初名與新字紫澳象豐子年十五入庠崇禎壬午城破兄弟皆死拮据成禮邑令王彥芹死難尸暴通衢爲具衣棺殮之撫猶子士跣過於己出順治乙酉舉明經時闔邑凋殘屢爲邑

濟南府志

卷五十五

人物十一  
國朝 新城

五

大夫慷慨陳利弊亡所顧避從弟與仁爲羣小以姓名疑似坐以盜賊憤不顧身率族顧御史臺事得白長山張某爲繁昌令有千金之托海寇亂張罹法招其父以金還之士跣冠以舊第并田產與之嘆曰他日有面目見先人矣

王士祿字子底號西樵與敕長子順治戊子舉人壬辰會試中式停科乙未進士選萊州教授遷國子監助教擢吏部考功司主事轉稽勲司員外郎性恬曠不招權不請謁惟與四方文學之士倡酬往還一時名譽大盛癸卯主試河南會磨勘獄摺撫試文疵句逮繫考案以非罪受禍者十數人旣而考訊無所得落職爲民單車南下省一親於維揚遂遊西湖與宋觀察琬買舟休夏詩筒酒椀嘯歌中流望之如神仙復遊維揚一時名流載

酒賦詩於平山紅橋無虛日康熙七年禮部奏改科場條例考  
官失察試文不過罰俸前所處分寃者皆還其官復起爲考功  
員外郎時翰林侍講學士張貞生建言得罪力救不能得張歸  
賦詩美其行後以原官召還御史疏叅學使某匿喪撫臣奏言  
非實例左遷抗言力直之爲兩議以上御史獲免其守正不阿  
率類是學無不窺尤精於經史爲文深醇博奧似劉向曾鞏詩  
兼杜韓包蘇陸卓然自成一家生平無隱微之過獎拔後進不  
可勝數居母喪杖不能起病亟不肯居內竟以哭母死年四十  
八卒時異香自口鼻出已而遍體作種種香三日乃已人莫不  
異之

王士禱字禮吉一字仲受與敕第二子跌宕簡易家庭孝友年十

濟南府志

卷五十五

人物十一  
國朝 新城

七

六爲諸生明末避亂奔進山中甲申後歸與長兄復理故業邑  
中諸名士修社事爲二士禱與兄主曉社丁亥學使吳蕃之較  
士濟南士祿第一士禱第三文名著丁未游太學准貢考授  
州同知兄弟三人宦遊在外獨朝夕侍養父母歿時唯士禱在  
側衣衾含斂無不如禮少好金石篆刻晚留意岐黃之書於痘  
疹尤精貧者予藥全活無算著有抱山堂集二卷和月泉吟社  
詩五十餘章卒年七十一

王士祐字叔子一字子側號東亭與敕第三子生而穎異十歲時

客有舉焦太史竑字弱侯爲問者或曰亦魏相字弱翁意耳士  
祐曰不然此出考工記輪人竑其輻廣以爲之弱也一座盡驚  
十五試輒冠軍順治甲午貢入太學時兄士祿弟士禎同在都

目曰三王康熙癸卯舉於鄉庚戌成進士援例授京職久之不  
除年五十以前進士終焉性孝友當封公就養廣陵母淑人板  
輿踵至侍奉飲食浣濯必躬親士祿典試河南因磨勘下請室  
納橐餽奔走營救出獄之日抱持涕泣感動路人士祿歿徬徨  
追慕者八年士禎臥疾廣陵千里馳視手調湯藥一夜十起南  
北宦遊有長枕大被之樂出門小別輒灑淚賦詩執手不忍去  
辛酉秋當分考北闈固謝弗赴旣而南遊泛大江至姑孰攬青  
山白下之勝入南徐遍眺三山更歷吳越盤桓六橋兩峯閒篇  
什遂多在吳興與宋荔裳諸公遊白雀寺賦五言古詩坐中嗟  
其清絕在京時和張文昌秋懷十首遂成絕筆吳江計東嘗論  
三王曰叔子之才豈甘作蜂腰者哉世以爲知言云

濟南府志

卷五十五

人物十一  
國朝 新城

十一

王士禎字子真一字貽上號阮亭別號漁洋山人與敕第四子生  
有異稟六歲入鄉塾誦毛詩至綠衣諸什輒振觸欲涕十五歲  
有詩一卷曰落箋集十六補諸生十八順治辛卯第六乙未中  
會試不願與殿試歸丙申與徐隱居遊長白省兄於東萊各有  
詩其後存詩自是年始丁酉舉秋柳社於明湖戊戌殿試二甲  
己亥選揚州推官四方孔道畫完公事夜接詞人嘗往來白門  
吳下詩文益進分校江南庚子鄉試得盛符升等九人時戶刑  
兩部侍郎駐江寧讞海寇重案士禎於善類力爲保全揚州積  
逋三萬餘前任以考成故或逮繫其戚屬悉縱遣之爲手疏募  
諸當事自監司郡守下至屬邑商人不足白於中丞具疏免之  
積逋以清雪高郵居烈婦冤在揚五年完大案八十三甲辰注

上上考擢禮部主事與朝賢爲詩會乙巳遷員外權關清江司  
船廠屏除陋規遷戶部福建司郎中壬子秋典四川鄉試有蜀  
道集歸丁母艱服除補戶部四川司郎中

特詔懋勤殿賦詩次日改翰林院侍講轉侍讀部曹改詞臣自此始入

直南書房尋充明史纂修官徵其詩錄進三百篇戊午冬典順  
天武鄉試先後三狀元次年遷國子祭酒禁餽遺士以不出其  
門爲恥奏定孔廟祀典正從祀位號增從祀理學先儒請修經  
史舊板有功正學甲子遷少詹事兼翰林院侍講學士奉命祭  
告南海有南海集歸遊廬山謁闕里請假歸丁父艱庚午起補  
原官晉都察院左副都御史尋遷兵部督捕侍郎奏定條例務  
爲和平寬厚不輕提一人辛未主禮闈壬申補戶部右侍郎甲

濟南府志

卷五十五

人物十一  
國朝 新城

五

戊轉左秦中饑行入粟例預戒所司勿以一呈一稿至前錢局  
呈樣錢禁革之前後七年苞苴不行丙子奉使祭告西嶽江瀆  
有雍益集戊寅晉都察院左都御史正己率屬務持大體會裁  
冗員有欲裁御史員數者曰御史初設六十員後減爲四十員  
停巡按僅存二十四員巡城監禮侍班往往乏人方當議增豈  
可更損晉刑部尙書平反庶獄矢矜矢慎自司理起家至爲司  
寇與刑官相終始會議恒主寬和未嘗一涉深刻辛巳春請假  
遷葬行裝無他物惟載書數車回京未久以申告冤抑失出一  
案罷官卽日就道送者填衢巷沁州吳文端公執手歎曰大賢  
去國不能留魂靈多矣歸暮夫于亭別業官事者述不與外事  
四方求詩文輒應灑然自得庚寅復原官亡何病劇康熙辛卯

卒於家年七十八著有帶經堂集詩文三十餘種行世揚州紳士請於江南學臣祀名宦又於平山堂歐公祠配以蘇文忠並稱三賢乾隆間

高宗純皇帝念其績學工詩補謚文簡又以諸書避諱改其名爲徵爲

正因其兄弟名皆從示

特諭改正爲禎云

王士驥字隴西父與玫壬午死難士驥甫十歲下帷攻苦以第一人自期宛陵督學施愚山試士濟屬取冠一軍順治丁酉領鄉額第一甲辰成進士授內閣中書舍人以母老乞歸母終未赴補庚申年四十八以病卒著有聽雪堂詩集詞集

王士譽字令子號筆山之輔曾孫生而岸異累試冠其儕偶順治

濟南府志

卷五十五

人物十一  
國朝

新城

五

辛卯舉於鄉與從祖弟士禎同出夏侍御之門時號雙璧壬辰公車不第爲宵小罣誤益肆力爲詩古文屏居東南鐵山下更號鐵岩樵人與田父野老流連泉石賦詩飲酒興至潑墨不名一家爲人豪邁自喜不以有亡屑意與人交胸懷磊落片語契合輒吐肺腑乙卯遭疾卒年六十一著有筆山蕙楚義褐采籬諸集

王士驥字貽西號幔亭與階子少爲諸生從兄阮亭獨器之生平不苟進取阮亭以詩文提唱海內一時司文衡分校之職者率門下士皆屏不與通晚年以明經秉鐸諸城文教振起士氣聿新凡有關名教風化者無不次第舉行性淡泊無嗜好日手一編時爲詩歌古文然不自珍惜謂吾鳴天籟不足示外人也戊

戊閏八月卒於署

王士颺字宛西之猷曾孫與慧子與夔嗣子也崇禎辛未與夔殉節有子士純壬午之難又殉焉鼎革後寇亂未燬奉嗣母避兵山中上下岷巖足爲之墟洎歿蔬食三年葬祭一守禮經事生母左右無方同生弟士駮士驢少孤以兄道兼師順治辛卯卒業太學歸與邑諸名士爲因社庚子寇解額以兩字誤置副車開門受徒爲齊魯大師爲文會糊名易書畧如場屋之例臯比以陸丹黃甲乙眾皆鼓舞又鳩族爲永思會每清明孟冬醮賞合祭琅邪公墓下族有詭譎輒引大義責之雖強暴亦爲折服

康熙乙亥卒年七十四

王士鶴字志千號太液象晉孫與齡次子少孤事大父及母至孝

濟南府志

卷五十五

人物十一  
國朝 新城

五

壬午之亂母殉節號泣入井躬負以出葬祭盡禮晚倡族人修葺高祖忠勤祠又卽大槐之側勸善行祠惇倫善俗族黨推爲典型累舉鄉飲不赴卒年七十六

王士芳廩生士捷弟崇禎壬午兄殉難撫兩姪如己出縣舊多通賦官民皆累慷慨陳利害於上除荒田數百頃闔邑感之

王啟壽字石文號湘源別號黃梅山人士岳子性嶽崎五歲入鄉塾十歲讀書寓目不忘十九爲諸生肆力於古文詩賦尤工繪事嘗做輞川遺意爲古園二十四圖各題以絕句漁洋山人賞之攜入都陳子文黃自先諸公擊節以爲奇咸有題跋晚歲大中丞李義村高其品延入幕府執禮甚恭評其畫不減烏目山人一時交遊如於陵劉仔臣歷下王秋史尤傾心焉爲人心思

銳敏工謀畫凡遇大計大疑事一經點撥輒轉立解論者謂石  
文人以畫傳實仍畫以人傳也

王啟涑字清遠別號石琴山人士禎長子由廩貢任荏平教諭性  
恬淡不樂仕進濡染家學工詩歌父司寇爲定荏山詩存西城  
雜咏聞詩堂稿行世聞詩堂隨筆蘇詩補註未及梓書法歐陽  
王率更畫有倪黃筆意嘗與呂崔黍谷孫湘南兩令修邑乘續志  
稱其有良史才又與伯父士驄率族人會文忠勤祠創永思會  
重修族譜晚治石帆亭園圃以老於中卒年七十五

王兆萬字元方父啟潭康熙戊辰武榜工翰墨兆萬丁卯武解元  
辛未進士歷任陝西盩厔營遊擊五十二年從征巴里坤凡歷  
四十餘陣陞湖廣襄陽叅將在營留任八年以功加都督銜凱

濟南府志

卷五十五

人物十一  
國朝

新城

五七

旋卒於官贈昭勇將軍

王兆注字東川庠生啟秉子由例貢任北城兵馬司指揮再任南  
城乾隆丁丑授湖南常德府通判有溺女俗嚴禁各屬傳紳士  
鄉老切戒諭之俗頓革庚辰奉檄採木貴州日在烟嵐瘴霧中  
尋病丁母憂歸遂不起詩有湘江集一卷遊粵西詩一卷

王兆邾字聖從號石耳山人啟涑子諸生事繼母以孝聞與異母  
弟兆鄜終身式好祖宗祠墓有興舉皆力任之處世重氣節嚴  
義利有人寄萬二百金爲盜竊去出資復之其人不知也作文  
得蘇氏氣脈教子嚴而有方皆成其材手輯先世格言懿訓爲  
悅心錄八卷卒年八十六

王兆鄜士禎孫啟涑子候選光祿寺典簿雍正八年協辦濮州范

縣賑務釐弊剔奸全活甚眾

王道然名兆宏以字行啟發子天資磊落八歲能文無一語襲人少失恃篤志於學久益博通乾隆丙辰鄉試主司彭啟豐驚爲奇置第七持躬嚴正學務實得丁巳赴禮闈同鄉聘作舉業謝絕之作辭聘記以明志六上春官不第乃以陶成後學爲事卒年六十餘歲著有四書圖說四書貫通解及詩文若干卷

王祖姓王祖珏俱兆鄉子學生叔曾祖阮亭在都聞之爲命名稍長聰穎岐嶷十餘歲補諸生並有聲士林東省皆知有二王乾隆癸酉祖珏登賢書祖姓亦以是歲選拔入太學爲文閱博奧衍有經濟長才先卒祖珏選授直隸容城知縣改東平州學正訓士有方東平四十年無科名在任三年一科中式四人州牧卒年八十四

濟南府志

卷五十五

人物十一  
國朝 新城

五

王重其齒德以五世同堂請奏得瑞應昌期匾額及纁帛二端

王祖熙字式廓改名書號餘人啟廷孫兆奕子乾隆丙子舉人爲

文高標自立詩格蒼勁豪於飲兼工繪事好覽名山川遊吳越

燕趙冀豫閒意有所會往往以尺幅寫之鄉人於金陵市中見

一卷軸裝潢完好問其直千金笑曰此吾鄉王孝廉寫索之易

耳鬻者愕然然數奇奔走南北借館穀養親親歿葬地遠值大

雨匍匐泥淖中幾死讓宅於弟僑居益都晚得滕縣教諭力疾

赴官莅任十八日卒年六十六子二人寔芳諸生有才名早卒

爲唾痕詩傷之妻以哭喪明次寔愈病癩詩有兒身再健痴無

礙婦眼重明老亦佳之句其情緒可知已詩稿自焚存經義三

百餘卷

王祖肅字季龍號敬亭兆郎子援例發江蘇試州倅乾隆二十二年委署常熟丞明年改句容署縣事又明年補華亭丞檄查賈應積通知弊由役侵齋餼糧週迴七百里戶訛之數月民以免累署震澤不兩旬境內盜盡得任武進得宜興盜二人辦海上劫盜十一人得河港冒舫船九艘賊男女四十八人政清人和境內大治以察奸人私刻部印案受知記名擢徽州同知署府篆旋署池州事建德諸生徐圻以誣陷自刎爲雪其冤乙丑遷江西建昌知府城外大河盛龍舟戲首禁之斥貪墨禁奸懲重農務謹學校凡關風化皆有成式鑄諸石平反吳秀高等冤獄尤爲遠近所頌在任四載宦橐蕭然至采署內種馬菜以食衣

濟南府志

卷五十五

人物十一  
國朝 新城

五

質典舖舖燬衣燼學使曹文植朝之曰人知太守兩袖清風豈知兩袖俱無一時傳爲口實以病去官病痊補貴州鎮遠府未逾年以繼母病引終養例不復出卒年七十六

王祖昌字子文號秋水漁人恩貢生幼嗜爲詩聞四方有工詩者挾卷以往不避風雪鐵尙書阮相國皆重其人於劉司馬大紳師友之誼尤篤大紳賢而愛民以罪誤戍軍台百姓欲爲贖罪徒步往配所及入都者三事卒濟署邑令向以罵賊死百六十年矣值川楚平褒死事者爲籲於巡撫奏請得世襲恩騎尉晚年號五岳遊人著有秋水亭集若干卷文畧四卷

王祖璽字君章啟睿孫兆鑑少子翰林院待詔樸訥敦行遠近稱長者一日之城北見羣兒竊其禾給以主人且來羣笑曰此王

氏田也來固無忤歲荒施粥就食者多呼其名或勸勿施曰施苟有濟呼名何傷家世多厚德子姓男女百人

王祖眺字小謝兆萬子工文翰隨父征西域出陣負重傷不顧性命復扶父柩歸資斧蕭然步行千餘里雍正丙午武舉以嘗隨任至南中有南遊詩草

王宸俸字鼎臣號石祿祖璽子嗜讀書因兩兄同科舉武闈奉父王命肄武乾隆癸酉武舉辛巳進士初任東省提塘保送京提塘乾隆乙未廣東提塘某挖去印信逮下刑部獄素知其謹慎必有仇隙陷害因與同僚代爲分詞及事白果如所言嘗在公慎堂見有訊明迷人之案備載藥方俸曰迷人藥方宣示中外恐宵小效尤不如改易數味當事從議皆服其識量任六年選備

濟南府志

卷五十五

人物十一

國朝

新城

卒

守備需次遲遂家居父疾革手立契賜莊田涕泣受命父沒對兄弟焚其契於柩前延師訓子嘗舉白香山陰德畏人知一語以訓示之辛丑丙午大祲出餘粟賙鄉鄰多所全活張店流亡滿路請於官置義田一區諭鄉人掩之其惠人濟物如此

王宸仔字元弼號竹坡祖肅子乾隆辛卯順天舉人辛丑挑知縣

試用江南領河工木版差隔河數里時值亢旱乃環場置水簰百餘以防火患委賑太康入其境過一大鎮見饑民無數洶洶質鋪前停車密詢鄉老云饑民思強乞耳令從人揚言曰放賤官至矣是晚卽宿質鋪以委牌示鋪商先貸錢數百千分給之饑民懽呼以去歷署汝陽西平開封分府涉縣所至有聲署涉時派引河工挑河者准帶民夫而涉距河數百里帶夫適以病

民乃自出數千金覓夫工次不以攤派累民涉民大悅工竣補商城端士習重農桑事之不便於民者革之案之關於名節者多方矜全得法外之意莅南五年以父艱歸服闋以末疾不復出教子課孫而外日誦黃庭經爲養心之助卒年八十七

王允振監生和平樂易好行其德乾隆五十年大旱赤地千里明年春大饑人相食日爲饑溺以食餓者於鄰村居民酌人口之多寡貸之粟不償值是春所買宅園三十餘家地百有餘畝年豐後盡令持原價回贖子孫繁衍五世同堂年七十九歲

王允熙字敬止別號少海漁人恩貢生學問博綜詩以神韻爲主恪守漁洋家法漁洋嘗著七古平仄論爲家塾課本未刻允熙廣其說而梓之尤以善書名兼工印章及陰陽醫卜之書無

濟南府志

卷五十五

人物十一

國朝

新城

空

不研究而得其理八十餘猶於燈下爲蠅頭小楷著有退齋詩胡循綸字掌絲新城人祖可教前明舉人父宣中諸生循綸少入泮有聲藝林順治甲午捷於鄉己亥成進士授漢中府推官多所平反任兩月缺裁補河南廬氏令古西統地曠悍難戢至則請蠲荒稅安撫流亡葺學宮教樹蓄諸善政邑至今尸祝之卒年四十

胡敬中字欽承新城人以歲貢任太原令地多虎舊籤虎長八名後佐以民兵大爲民病至卽裁之鄉官數人司賦役多侵冒亦請於上官裁之嘗曰興利剔弊令之職也利不必卽興見弊奈何不除署中日供水菜一床胥吏因以爲奸並令勿供歸家日

官橐蕭然

胡印中字月潭弱冠食餼與同邑諸名士結曉社以歲貢除博平  
訓導修葺學宮刊立教條博邑士風丕變邑令極相推重大事  
必諮而後行嘗語人曰胡君學校經濟卓然有名世風惜不得  
大用之也歸田後嘯傲東臯著書甚富後皆散佚惟存壁松賦  
王宏緒字孝升號歷山新城人康熙癸卯舉人任濰縣教諭陞靖  
海衛教授居城西之喬莊明季兵至里人皆逃宏緒年十八守  
父樞哭問何不去曰父未葬不忍離也兵義而免之司鐸以古  
道自期終日危坐教子嚴而有法壽至九十九歲三舉鄉飲大  
賓卒之前命具酒延知交三日自整冠帶而逝

張兆亨字天衢號平瀾新城人地球子秉性剛方少食貧竭力奉  
親暇卽勵志詩書順治甲午舉於鄉乙未後疊遭喪讀禮幾十

濟南府志

卷五十五

人物十一  
國朝

新城

奎

載謁選得江西德安令甫下車有毆傷人者驗視後吏持白金  
以獻曰此舊規無知者叱退重懲之羣吏惕息除雜派以便民  
禁私稅以通商拔孤寒以造士縣人歌之有官舍寒玉郊原陽  
春之語甲子分校得士四人莅任七載朝夕無兼味使令無衣  
帛卒以剛直不阿去官居林下十年疾革手分豫章墨賜子孫  
曰吾宦遊十年囊中物止此以文墨相傳不愈白鏹乎其後多  
以文章顯

張三徵字舍九生質穎異弱冠食餼肄業成均初選博興訓導轉  
蒙陰教諭於學署立號舍聚士之秀者資以膏火親督課之士  
風丕變俸滿以卓異陞廣東感恩令瓊海邊隅士安簡樞爲建  
書院延名儒匝月一課親定甲乙文風蒸蒸日上勤課農桑使

務本業通商惠賈咸利賴之南方風氣柔弱人罹法者多蒲鞭示辱曰此適以長惡耳眾母之稱豈令人玩法哉由是不軌者斂跡邑稱治上官方欲拔擢旋卒於官

于鑑字冰朗號鏡川新城人援例任隴州鄜州司馬陞雲南馬龍知州卓犖風雅能理煩劇工詩善書法性疎落題咏甚多

田粹中字完白新城人歲貢生臨清州學正端莊整肅人方之張思叔著有祿旦集行世

何漢光新城人武生喜讀書不事章句生平慕魯仲連遺風時伊翁菴中丞巡撫雲南卒於軍宦况蕭然漢光其妻弟也聞計爲萬里之行備歷艱辛護其輿輓眷屬以歸

何毓光字仲弢少警敏工文與兄觀光號二何南遊武林諸宿儒

## 濟南府志

### 卷五十五

人物十一  
國朝 新城

奎

皆折節下之爲邑諸生績學力行至老不倦初何氏世居新城父國鼎號中含因族姓日繁倣周禮族師黨正擇家長爲睦族之約請於邑令得以家法賞罰而勸勵之毓光立事例四十餘條相曉譬族人共以爲便何氏遂稱仁里遠近則之邑令歎曰盡如何氏邑可臥而治也性和粹終身無疾言厲色自書忍唾居士讀元史慕許衡之爲人又自號魯齋

何世璣字澹菴一字坦園號鐵山毓光子六歲喪母哀毀如成人七歲工制舉文字家貧借讀鄰塾書過目成誦十六補諸生十九舉於鄉以世俗學術各異經史理學經濟辭章互相非笑乃刻意束修非應規矩準繩之事絕不係念同邑王阮亭授以詩法讀書益都之雲門山補莒州學正丁父艱居泅村山中康熙

己丑進士改庶吉士不附權勢不爭近名乞假省繼母爲文告祖誓不隳素志散館授檢討充一統志纂修丁繼母艱起復充庚子科山西鄉試副考官雍正元年正月授御史二月充江西鄉試正考官江西額中舉人建坊公車銀五千餘向爲考官驥御不受歸督浙江學政七月奉命至兩淮交辦事件旋授都運使海潮爲災領帑給賑親爲經理窮黎歡騰時鄂爾泰爲江蘇布政使皆潔已治事東南財賦弊竇肅清一時翕然有兩大君子之目三年鄂公巡撫雲南以征苗加雲南貴州廣西總督十一月授世璠副都御史巡撫貴州時年已六十矣時烏蒙鎮雄諸苗寨次第歸誠相度機宜籌撥糧餉羽檄交馳指揮全定徧諭諸苗開示威信凡薙髮受冠帶者賞銀牌衣物以榮之卉衣

濟南府志

卷五十五

人物十一  
國朝 新城

畜

椎髻之人傾心內屬一歲之中全活萬餘人而改土歸流之勢以成又以黎平都勻鎮遠之閒古州人萬一寨轄地廣千里南通廣西東界湖南土沃人稠在三省腹中由貴州黎平開之此寨服則附近九股黑苗可以剿撫初到黔時思州知府張廣泗來迎垂詢地利民情苗俗盡悉黔之利害調廣泗知黎平廣泗卽輕騎登古州之諸葛臺盡見大小丹江出入要領以報意主示之以威卽納其降經畫甫就

世宗詔

世璠入見擢侍郎六年二月補刑部轉戶部四月轉吏部仍兼

刑部五月署直隸總督懇辭不許隨叩頭受事奏曰臣有一分心力盡一分有十分心力盡十分至萬無可盡之時自蒙洞鑒因垂問生平稱意文字恭進福字箴一首六月抵任與協理侍

郎和衷采納畿輔大治七年正月二十六日卒年六十四贈禮部尚書諡端簡

何世瓚字釐邕毓光次子受業孫菘山之門雍正甲辰領鄉薦歷知四川犍爲慶符二縣事時川中有大命案數年不決奉委覆審數言立斷遠近頌爲神明旋以不合上官改武定州學正尋改州爲府陞教授

何體仁字西銘世璵長子性恬澹年四十三舉雍正四年副榜八年授浙江諸暨知縣積匪傳阿男爲一方巨慝立格捕得窮治決遣散其餘黨邑與浦江爭山積成巨案爲踏勘得實立界兩邑皆悅服焚香頂禮歡呼之聲不絕繼以倉穀積弊所儲不實具揭言之爲太守所憾改小僻邑得於潛積案多又土瘠民相

濟南府志

卷五十五

人物十一  
國朝 新城

奎

沿逋賦至卽勸課農桑獎飾文學曉夜理檔案民漸裕而知方舊弊俱革調奉化近海地錯出宵小出沒不常下車悉其弊興修水利因得近海舟楫往來逃竄之路訪治豪強清其窩線又令保甲輪直夜更以鄉保統之捕役故畜盜使之各任村屯與約曰民間竊發先懲治捕保遲十日不得盜至廷聽比三比則捕頭同罪行之半載捕役自相鉤防盜不能容荏苒悉靖調黃巖久任海疆能得其虛實海口要隘兵民雜處不干名不示惠與百姓休息相勞問邑無桴鼓之警藩司方稱爲浙江清官第一丁母憂歸服闋發江南補虹縣令當宿遷靈璧下游十載九溺數有賑乃手籍親檢校無冒亦無漏總河巡撫共覈賑務賢勞第一適蝗起鄰邑捕不力妒虹治揭言蝗皆虹縣驅出致蔓

延總督檄道密查則蝗皆扑盡封築誣始得白在任久以邑屢被水相度地勢開河於西南洩水以蘇民困邑無稻田種旱苗亦不如法婦女不識機聲捐俸依東省製造農具紡床教之耕織廉聲政績爲南省冠調定遠當九省衝俗勁武最難治一如在虹時修葺文廟勸士人厲學毋狃於習又築西水石壩以捍田諸務畢舉上官不時委辦鄰邑事積勞成耳疾退老歸里鄉居十年人稱長元先生卒年七十九

何桂世璣曾孫體元孫也兩世廉吏家無儲積勤儉持家終養祖父母年二十六入邑庠乾隆庚子副榜就州判職分發湖南署巴陵縣丞分駐楊林街爲三縣界游惰失業者爲商民苦實力辦理地方宜謚署綏通州判分駐以管四里徭務得以聽斷訟

濟南府志

卷五十五

人物十一

國朝

新城

奎

獄一年明斷若神人心悅服自巴陵回省藩憲秦欲悉苗情令僚屬編集舊卷少當意者桂爲編序謂自古以來天下未亂苗先動天下已治苗後服以人治人者經世之常道以苗禦苗者安邊之良法此苗理苗總所以設也要其安不忘危有備無患用力少而成功巨者莫若長安一營營中置兵百名踞險扼要時有預備旣足以當其前衝又可以斷其歸路此馭苗不易之長策委長沙丞留藩署襄事署郴州判旋護理州事徵比詞訟有條不紊本任事亦無懈弛試期滿請實授委辦科場彌縫所事又辦黃白蠟入京聞母計回籍營葬竟不出兩舉鄉飲大賓卒年八十二子承壯道光甲午舉人

何殿邦字來朝乾隆壬申武舉授江南常州府左軍守備以卽刻

手擒越獄大盜十餘人奏陞孟河都司題署常州游擊營中積弊悉剔兵民雜處奸猾借公擾民力禁之未幾卒於任兵民痛悼歸櫬時絡繹相送數十里

何殿颺字昌言邑諸生援例貢太學九歲喪母哀動族鄰事繼母晨昏不倦與弟殿魁友愛一日不見惻惻如久別異母妹早亡撫遺孤成立爲娶婦置產不異己子好施予乾隆乙巳丙午大旱邑令議賑出粟佐之又於所居空園內設粥場率家眾煮粥命子維縉持長柄杓徧分之日兩食凡二載所活無算年六十七無疾而終

何殿魁字星五殿颺弟武生千總職銜四歲喪母兄九歲朝夕相依刻不忍離及長磊磊有英氣邑令劉大紳之戍軍臺也新民

濟南府志

卷五十五

人物十一

國朝

新城

七

號泣不知所爲聞有捐贖例與邑士張文磨分投各村遍告父老釀金贖之壬子修城之役亦倡於魁與兄稱二何云

何瑤堦號崑軒殿邦子府學生六歲喪父哀痛動衙兵侍母王氏扶父櫬北歸母以愁痛喪明百藥不效晝夜誠禱母感異夢瞳得半現母歿歔歔廬居者三年其居廬也冬不鑪夏不扇葦席亂草斬服寢不異苦次及禫形毀骨立族人勸之歸弗省終以禮不抑情粹歿廬中

何維縉殿颺長子性慇直篤於孝友與同堂弟六人同居闔戶百口隨材器使終無間言以其父與叔父篤愛不忍離葬之穴相去尺餘連築之而兩其頂董柘林太保題曰何氏兄弟之墓

何維綺號穎川殿魁子性明敏廉幹有爲嘉慶初援例以布政司

經歷投効東河葺工發直隸借補涿州判委署大興知縣京邑繁劇事無不舉以計擒大盜胡二到部京師積案全清大計卓異陞雄縣令庚午大水請賑無吞無漏己卯又水容城令以賑事被劾父老求其兼攝上官從之朝哺雄夕餉容不假手吏役幕客賑畢容人戴如父母陞薊州知州數辦大差憫薊人力役施蔭柳村大橋勢如長虹薊人建碑頌焉任三年歿於官

何維紉字勳臣殿魁子年逾成童卽中乾隆己亥武舉旣壯折節讀書務經濟實學考授駐省提塘甲寅以查塘赴直隸阻水景州登城見城外湧人與波濤上下心大感傾囊中採辦塘驛之五百餘金立造大筏數十與同行者分督高手四出拯救全活數萬人省城闕武廳前馬道下游有大石坂馬至此每驚逸躍

濟南府志

卷五十五

人物十一  
國朝 新城

宋

出大小試及大閱跌死數人爲常紉熟相其地曰地環叢冢坂底必有物爲厲出二百金覓工鑿其坂白骨粲粲賞買佛山根平場檣表而自爲文改葬之馬道之患始絕駐省十二年撫軍吉公以德門二字表其閭告歸養親歿不復出卒年五十著有復堂文集

李文遠字伯含新城人士科子家甚貧奮志攻苦康熙己酉庚戌連捷進士授中書舍人海晉工部郎中外任貴州都勻知府陞貴西道居官廉正暇以詩酒自娛及歸兩袖清風行李蕭然別業在壽張張秋鎮遂終於其地邑貢生維藩其孫也

子允昱字星曙號華若新城人廩貢生官中書舍人陞兵部督捕司主事職司逃亡持例嚴峻多所平反奉委查獄歲寒出貲以

給羣犯督放旗米積弊一清出司河工屢有建白喜檢方書施藥餌補兵部武選司尋卒著有繼善堂詩經驗海上仙方集本于履坤字厚菴號鑄翁允昱子篤於行誼兄履乾爲伯父後推其產之半予之後中落又推己分之半給之與登州常太乙善遇其弟於途見其藍縷解衣易之淄川某省試無資鬻產贈之獲雋高苑楊生以歲饑率家就食值大雪棲泊無所延之家傾囊伏之工詩習鍾王書法自成一家雍正甲辰副榜舉鄉飲大賓卒年七十一

于崇勅字丹符號滄巖履坤子幼食貧下帷攻苦乾隆丁卯舉於鄉戊辰中明通榜選堂邑教諭丁父憂起補平陰舉卓異擢知江西餘干縣以清廉勤慎見稱調豐城愛民如子尊賢禮士勤

濟南府志

卷五十五

人物十一  
國朝 新城

究

課農桑尤慎折獄獄成雖死罪皆感泣自謂不冤重試多至三千餘人歷三試風清弊絕戊子爲同考官在任五載移病歸自縣至龍頭山沿路持香攀送皆灑泣父老爲寫龍山別愛圖附詩百首有宦囊不減來時重添得西江數卷詩之句再補龍泉令俗剽悍命案相因數百有積至四十年者因尸在萬仞荒峯前任從未親檢首閱此案戒期親驗至山路去輿乘馬去馬徒步攀藤扶杉隸役能隨者數人驗確案結民奪先聲各輸情積案一空調樂平期年而頌聲作引年告歸舉鄉飲大賓著有世雅堂詩集二卷卒年八十一

張樹德字濟千號南川新城人祖嗣誥殉崇禎壬午之難父仇時方二歲後每言及輒淚下至康熙壬午觸前事一慟而卒樹德

生有至性温席扇枕幼卽效之父歿廬墓三年日以襟貯土覆墳上攀柏悲號風雨不輟服闋登乙酉賢書司鐸文登課諸生先講孝弟之義或病其迂澗曰堂號明倫吾僅守之不敢違俸滿致仕卒於家

王廣心字子閏新城人歲貢生居鄉以剛直稱與兩叔析居讓產百餘畝後任蒙陰訓導與諸生講習若課子弟去後人思之

董永正字康安號西平新城人康熙己卯武舉連捷進士孝友性成內行修謹以守備歷任廣西全州府副將從左翼總兵徐起新勦金川有功回任後嘗規切黎學使以清弊政士子悅服未幾以疾卒

鄭開基字業菴新城人少孤家貧力作養母及長身長十尺膂力

濟南府志

卷五十五

人物十一

國朝

新城

卅

過人康熙三十三年撫軍進之朝出入扈從從至木蘭力格猛獸異迹甚多卒年五十四

胡道廣字履坦新城人弱冠食餼乾隆庚午舉於鄉就挑得福山教諭學宮傾圮倡紳士修大成殿庠門敬一亭皆就理歲荒諸生多謀生關外悞試期曲爲調護咸賴保全俸滿擢福建長泰令未任丁繼母憂服闋補湖北南漳縣值大饑請緩征募富室捐資助賑民賴全活縣境遠者八百餘里土曠人稀諸苗雜處俗獷悍案牘繁夥勤勞致疾踰年卒於官

張啟正字咸以新城人資純而好學常於室中置虛席如奉嚴師朝夕背誦數年學成乾隆癸酉舉於鄉公車十三上銓四川奉節令夔州附郭廉靜不擾百姓歲之甫三月調成都府通判未

一載罷歸之饔饗不給父老聞之爭致飲食及歸竭力致饋諸生贈詩有江上青山卽峴山之語里居後仍授生徒卒年七十八

張象津字漢渡號莪石別號雪嵐新城人熠斗之裔父駿歲貢象津紹承家學弱冠爲諸生以選士貢入太學乾隆庚子舉於鄉據選知縣改就教職授濟寧州學正未三載告歸爲里中立科條法利賴者數十年撰邑中水利四議切於誨人闡發諸經玩周易一編以爲安身立命不外此也年八十三卒所撰新城後志邢臺志考工釋車離騷義疏等韵指掌圖雪嵐記聞渣中集莪石集白雲山房詩抄任城詩抄

畢秀字華嚴新城人父聯翼湖廣德安府照磨秀性孝友順治戊

濟南府志

卷五十五

人物十一

國朝

新城

主

子土寇入宅父被執急救亦被執痛哭願以身代寇爲動舍去是年選拔副貢甲午順天舉人戊戌進士授直隸清苑縣令以廉惠仁明陞淮安府海州知州地本雄勝經康熙戊申地震庚戌黃河堤潰蕩爲澤國民無所定爲竭力撫綏申詳豁除糧漕辛亥水患猶未息再請免十分之七壬子除十分之三奉文釘塞海口以防寇沿海築立礮臺使營兵有所防守及民力稍暇州中廢墜無不修舉旣去士民常歌思之

耿肇堂字仲升一字明廷新城人庠生子七人孫十三人曾孫十人元孫一人親見七代五世同堂年九十餘歲

耿維祐字對于號顯亭肇堂三子乾隆壬子副榜嘉慶辛酉舉於鄉壬戌成進士籤發浙江補宣平令遇事摘伏甫四載調石門

地當孔道國課抗延前任積虧累萬至則興利除弊判牘如流  
雪民婦奇冤訪獲積年凶犯闔邑嘆爲神明纂修邑志二十六  
卷重修文廟及養濟院留嬰堂接嬰堂庶政具舉邑人爲建生  
祠辛未以計薦授江蘇邳州牧未赴任擢江西南安知府調守  
撫州廉訪知其善折獄調省會審辦要案後調南昌首郡前任  
未結案三百餘起從容聽斷旬月內留牘一空癸未水災流民  
麇至將設賑請集省城捐千金助賑全活無算遷江西糧道往  
歲糧艘沿途停泊知其弊先事嚴禁是年抵通較早督運五年  
兩江總督委辦鹽運總局五月事竣陞兩廣鹽運使時議鹽斤  
加價歷陳不可詳察利弊定章程十二條刊爲式在粵三署臬  
篆計提審者每日二三十案文牘涉目卽能默記每與首府縣

濟南府志

卷五十五

人物十一  
國朝 新城

七

論事條舉姓名訟牒銖黍不遺平反大獄甚多會佛囉喇夷人  
在洋被殺十三命一案拘繫數十人推鞫得實無枉無縱又盜  
魁簡阿七積年稽誅密訪擒而置之法洋面自此肅然庚寅膺  
計薦當入都以疾卒於官年六十

王啟大字東觀號嵩菴士譽子康熙己酉舉人莒州學正善書法  
詩尤得漁洋口授有所作必親爲指示每謂羣從姪中啟大固  
可傳家學者惜其詩多不傳惟存石帆亭諸咏而已

王兆臬字東暘啟澤子康熙丁丑拔貢丰姿跌宕精篆刻尤工書  
法漁洋山人謂其得率更之神嘗命書蠶尾後集鐫板以傳

王兆隆字清吉啟適子始受學書義多自悟人目爲神童補諸生  
學益邃乾隆戊申年己入旬賜舉人卒年八十一

王兆邨字又郭醇謹端方賦性孝友親喪蔬食三年高祖祭田八畝族人因貧失祭自割地以補之卒年八十五

王啟溶候選州同知廉靜端方舉鄉飲大賓

王祖槐好善樂施五世同堂壽九十六歲

王宸恪少孤有家法事母孝年七十五世同堂卒年八十一

王宸德庠生慷慨好義創修問山橋督工修南城卒年八十一

張瑄字官玉號協菴新城人祖己志父夢雷皆諸生瑄與兄珽從弟瑛文名著海岱開號三鳳瑄尤淹博邃經學邑修社事分因社曉社推瑄爲首屢試不售曰者謂當以成年而明之鄉試無成科順治三年丙戌再行鄉試始登賢書年已老著述甚富有春秋經解三傳解協菴文集詩集

濟南府志

卷五十五

人物十一

五

張祖庚字長白瑄之孫亦邃經學者名藝苑康熙丁酉副榜以赴座師之難星悞遣鄆州以經學教授弟子多名士

田倬字靜山號晴嵐新城人行履端方不踰尺寸崇禎中爲諸生父孝標死難甲申後遂棄去繼掖不入市城居平喜怒不形期約必赴爲鄉里敬愛守寂田園四十年不少變端坐卒於野次年六十八人稱節孝先生

張四箴字心勿新城人府學生爲文挾奇氣明末好兵策奮鬚益腕輒思請纓自效鼎革初羣盜蜂起率假義兵爲名競欲致之四箴心知其非曰刻郡滔滔誰爲霸府便當被髮入山遂棄諸生孺人稚子力耕雜作時爲歌詩以寓意見爲藩掾死濟南戊寅之難徒步二百里負骸骨以歸里人義之康熙甲辰春無疾

而逝

徐元善字長公慕嵇叔夜之爲人更名夜字嵇菴又字東癡世爲新城人曾祖準萬歷間名臣爲山東四君子之一元善爲王考功外孫束髮工爲詩書法似虞永興遭世亂隱系水之東順治辛丑遊錢唐過孤山訪林和靖故居渡浙江沂桐廬登嚴先生釣臺酌謝臯父墓徘徊賦詩而返戊午己未閒窈求巖穴之士有司將以應舉以老病辭少爲文章原本史漢莊騷工于哀豔五言詩似陶淵明巉刻處似孟郊中歲以往屏居田廬邈與世絕晚赴故人招之德安題詩東林寺未幾卒

鄭習儀字敬菴新城人庠生性嗜學十餘歲燃香照讀必盡五炷始寢雍正癸卯舉於鄉甲辰中明通榜乾隆三十二年賜翰林

濟南府志

卷五十五

人物十一  
國朝

新城

善

院典簿以經學終身與弟子相切磋長山袁守侗等皆從之學五十後目眚弟子以文相質令自誦示以筆削不失毫黍卒年八十六著有四書辨難

耿謙字修野新城人庠生先世避亂淄川祖母亡卽葬其地父沒遺命遷葬未詳其地禱於父柩檢老馬拜而祝之乘以任所往至紅溝村遇老瞽馬頓止詢得葬處檢骸骨與所聞符乃昇歸合葬焉

呂宮新城人諸生甲申之亂父死於寇宮臥薪嘗膽矢報父仇旣而志不獲遂慟哭自經其妻田亦殉焉行路悲之

張霖字杏牆新城人居杜何村有田數十畝闢園一區種松百株築臺鑿池綠葵紅蓼阜韭晚菘取給有餘不樂仕宦中更世變

屏跡逃俗哀衣博帶婆娑田野以終其身生平不入城市不謁官府歲正月則畢納一年之賦稅於官故胥吏追呼未嘗及門遺令子孫以布衣斂卽日納壙中不棺槨不封樹墓楊王孫之爲人年八十餘卒

成映庚字麗蒼新城人邑諸生順治三年遼陽向慕閔爲邑司諭以名義相厲十月十九日高苑賊謝遷陷城慕閔欲死映庚止之賊棄城外掠慕閔冒難赴省稟議撫藩令攝縣事十一月六日視篆映庚將結士助之謀甫定賊眾驟入慕閔馳馬揮刀殺數人力盡被執脅之降嘔血罵賊遂爲所害映庚力護其妻子以出賊退哭會其肢體以殮慕閔妻張痛不欲生映庚慰勸令與母同食宿明年賊平乃爲購榮氏村田宅居之並經紀其喪

濟南府志

卷五十五

人物十一  
國朝 新城

姜

具呈學憲以其子寵爲邑諸生寵弟霖及遺腹子宏撫育訓誨任其婚媾之事皆有始終卒年六十有四

成聿价字景炎號東冶映庚子十五入泮好詩賦善音律何端簡公跋其集有宏覽博物之稱康熙戊寅於陵趙瀧源督學雲南辟與同往滇中諸作有陸放翁劍南遺意旣王司寇歸里一時名流雲集西城酬唱無虛日晚年精研易學潛心河洛著有筮易疏解桓臺勝覽金碧遊草西城唱和及藏笥等集詩餘諸書卒年七十九歲

于允暉字陶菴新城人性溫粹嗜學事父母至孝旣沒每旦整衣冠於木主前跪述家訓一過或有事寒帷告出返亦如之終身弗替乾隆庚午貢入太學晚歲家落釜冷甌塵處之晏如年八

十八危坐誦文公家訓篇終欠伸而逝

張祖武新城人邑諸生早失恃善事繼母父沒異母弟四人勛以耕讀偶不馴不忍撻辱跪誦蓼莪之詩而泣諸弟感發各有成立以繼母喪毀卒

李克靈字欽符新城人性孝友母病篤禱於神祈以身代夢神許延壽一紀後果然父患風疾徒步百里外求醫與弟克型式好無閒言嘗謂天下第一可敬人忠臣孝子第一可矜人寡婦孤兒與人處恂恂若無能而遇事有謀工計畫能使人各盡所長邑中諸大役倚以爲重舉鄉飲介賓卒年八十四

成開蔭開騰弟邑增生名典兄齊而深於史著有歷代史考歷朝帝王世系及守拙齋詩稿

濟南府志

卷五十五

人物十一  
國朝 新城

美

胡文光字燦章號秋園新城人乾隆丙辰歲貢四歲失恃事繼母以孝聞書不百讀不置持論今古多與史合己酉試藝已粹復被落作棄婦辭志感遂絕意進取教授四方精三傳尤嗜左氏書法趙文敏兼工隸體著有隸字辨體一書左氏文評四卷秋園古今體二卷

金鍾字仁菴新城人武生父魁一以冤獄憤死時七歲與母控諸上憲三年冤以白與伊中丞孫卷五相善伊視金如土屢勸不悛乃佯貸銀三百陰爲買高苑橋田宅一區旣而伊大落出券授之伊由是感激改行

金鑒字公瓊鍾次子出爲伯兄鏗後產甚沃與本生兄瓚弟璽同居析箸卽均分之乾隆五十一年大饑盡出所蓄菜蔬濟人并

日備餼糧按人分給門如市者數月所活甚眾

羅思舜字重華新城人庠生里近孝婦河倡議呈請於雍正十三年築堤至今賴之

王兆信新城人監生乾隆十三年春大饑開困借糧至秋來償一粒不受時稱善人

于允曄字旭菴號蘭谷新城人性孝友早歲應童子試以兄允璋專舉業不能並讀遂棄帖括治家事然時時好讀書事愛敬倍至晚年田止數畝族兄負冤貧不能自理鬻產助之竟得理膏謂有餘錢而後濟人終無濟人之日有暇日而後讀書終無讀書之時生平實無忝兩言云年逾八十卒

于命世字岸石新城人廩生天姿篤厚孝友足風與兩兄異母生

### 濟南府志

#### 卷五十五

人物十一  
國朝 新城

七

母性嚴怒則命世必涕泣跪勸氣平而後已有所使令輒爭先趨之不以苦諸兄論者謂有王覽之風仲兄輔世亦和平坦率於人無忤嘗歲終取麥黍羊豕於莊上日暮爲惡少劫去子弟欲誥致之輔世曰予彼媿新歲可也終不問其長厚如此

田炳字星曜新城人內行謹修有才畧乾隆二十四年巡撫阿奏興水利炳佐邑令翟墾稻田三百餘頃毫無私焉數村至今享其利邑令以服勤思善旌其門卒年八十

劉必盛新城人家貧值秋雨之食荷柴十束赴城易粟城東北跨

鄭橫溝有土橋壞行人苦之心惻然填二束以濟之水復上又

填二束凡五填而柴盡怡然返告妻以故妻曰此義行也惜所

濟不大耳如天之福必易以石梁後某富捐貲鳩工竟酬其願

族孫若浩傭於家毀牆得白金數十餅盡以歸之予以半不受  
別予以粟亦不受曰物皆有分非分者一毫不可取也後亦裕  
子允中字心傳新城人庠生有負債者將鬻子召之面折其券丐  
人鬻女母子哭不能割婉語買者還其直一日觀稼村婦欲竊  
其禾問允中家地何是卽指地告之而返子斯漣亦庠生性謹  
飭樂施予李氏子身貧無依抱夙疾饑且死憐而養之疾愈資  
遣去邑令劉大紳謂其父子濟美云

張嗣平新城人武生乾隆年邑令員以支脈溝在樂安者平淺關  
新邑利害詳明挑濬委嗣平等八人董其事悉心謀畫率眾赴  
功不憚勞瘁工竣員令給匾獎之曰功被海隅

耿宗捷斯沛子乾隆乙酉科武舉選授湖州運糧千總有縣令雲

濟南府志

卷五十五

人物十一  
國朝 新城

夫

南人以里課去官貧不能歸爲捐俸質衣以三百金贈之在任  
三年以親老解組歸邑令劉大紳修城宗捷竭力捐貲鳩工庀  
材皆有幹畧劉甚倚賴焉

周懷曾字慕魯新城人少孤好善樂施戚里不能嫁娶者助以資  
財雍正庚戌大饑設數廠煮粥以給貧人值收穫見有盜已田  
禾者輒避之有盜禾發覺將成訟者邀田主置酒取已粟代償  
之閒有受者怡然無還色卒年八十六

胡貴讓字允恭新城人邑諸生事繼母至孝遣往別業收秋秋盡  
猶著敗葛未得慈命弗敢易也析產時兄貴謙得東毛莊兼其  
陋卽與易之兩塾延師集親族子弟肄業助以膏火多成名以  
去弟貴謹居城產遺盡割百畝給之更築新宅移與共居有宗

姓納婦無措出貲周全宗偕婦求傭以謝卻使去乾隆丙午大饑施粥活人甚眾晚好岐黃術服藥無贅者恒手煎以授無人調護者並給飲食年七十八卒村中老幼皆失聲

李承基字青田新城人性孝友父母卒齋宿於外三年每食必祭宛如親在拾遺裝一束不解視其人至欲出裝銀百餘兩相酬不受亦無德色莊東夏秋水漲行旅皆困捐貲獨成石橋往來始不病涉

邢汝烈新城人監生性好施與族人議立家祠無貲慨然獨任承祖父志施益母丸極驗遠近求者無虛日恐後人不能繼述復置地十餘畝以爲久遠計嘗拾遺金數十兩出帖數年無尋問者因置地延師俾鄰近子弟就讀焉

濟南府志

卷五十五

人物十一  
國朝

新城

堯

崔振綱字葵常新城人監生父兆行善岐黃術紹父志嗜醫學不先富貴不後貧賤合藥施人不索其值里之南漢儒轅固家在焉沒於荆榛士過其傍者心竊傷之其父欲築祠堂奉祀未果獨身任之高其封土除其荒蕪且商諸邑中諸耆宿請於官時滇中劉大紳來涖茲土嘉其勇於爲義捐俸爲之倡振綱施地捐貲募諸四方嘉慶癸亥祠成二千年不舉之廢墜一朝創之使文人學士絃誦其中春秋致祭俎豆弗衰者振綱之力居多卒年五十四

牛文魁字翰直新城人邑諸生少孤事母以孝聞及長學憲賞濟所以致其知者甚微乾隆五十七年邑令劉大紳委督城工凡所計畫洞中款數事集而民不擾亡何劉以前任曹縣案呈誤

發軍臺新曹兩縣民贖金贖之而難其托慨然任之攜金赴部贖劉以歸嘉慶七年劉以內薦回東補朝城其民愛戴如新曹贊畫之力實多摯於倫紀與友張象津善事之如同懷晚年邑中稱二老張病篤夜走三十里候榻前一夕夢中大哭子孫驚問泫然曰夢爾張丈具新衣冠來別我不及面與永訣矣語終張訖至

田光鈺字美斯新城人監生父若瑟昆季五人鈺其仲也幼承伯父若琴祧繼父早世事嗣母以孝聞傭有張繼周孤苦無依兩爲娶婦並置田產二十餘畝邑中大役皆樂從之如修大成殿奎星閣以及公堂臥龍橋或獨任或共任其尤著者城工一役任事三年不辭勞瘁舉鄉飲介賓邑令吉士瑛表其閭曰望重

濟南府志

卷五十五

人物十一

國朝

新城

平

鄉國年七十餘卒

于丕郡字昌南新城人監生襁褓失怙母胡氏守志撫以成立性至孝念母苦節爲請旌建坊生養祭葬均盡禮同堂兄弟六人貧者賴以成立無室者爲之娶妻遇饑年均其粟以濟鄰里鄉有周姓欠負千三百餘貫不能償一日挾券來盡以其田宅相授力御之並焚其券與人交有始終排難解紛規過成美一方尤倚賴之

陳王信新城人修幹長髯明末流寇猖獗聯義勇保護莊村長山劉孔和壯之結爲上客遂以所屬從劉南下孔和遇害王信死之

耿季璋新城人幼貧苦以勤儉治家積地百六十畝父亡撫養表

兄如同父計產均分先承母意收外嗣之弟歸宗訓教成人母  
亡三人同居至老益睦邑令劉額其門曰孝弟力田

周玠字徑尺新城人幼時父出遊不返稍長與兄尋諸海上數年  
始遇痛哭父乃還父妹甚貧父外祖家亦中落皆爲置產季父  
有狂疾委曲扶持與兄尤篤善痘疹科並施藥餌年七十時患  
痢甚劇醫以葷苦甜微救與否次子淑紀爲嘗之果味苦而愈  
舉鄉飲耆賓年九十七卒

張紱麟字玉符新城人庠生十歲母亡父再娶以家貧遊塞外事  
繼母孝思父輒痛哭母曰思父則急尋徒哭奚益乃往塞外裋  
衣徒步自冬徂春周歷數千里號泣路側有諷其歸者復大哭  
曰不得父寧死不歸也一日忽遇其父恠甚相抱痛哭居人感

### 濟南府志

#### 卷五十五

人物十一  
國朝 新城

全

動魄以贖乃隨父歸距出時蓋十二年矣邑令劉大紳爲之傳  
崔協恭字和衷新城人由歲貢官恩縣訓導父亦銓母榮氏夢太  
日照室而生故小字庚童時弱不勝衣自力於學事親能色養  
人無閒言父喪三年不飲酒茹葷不居宿於內母歿亦如之遇  
忌辰令節拜墳掃墓猶孺子泣嘉慶初元舉孝廉方正轉運使  
孫公攝廉訪篆屬邑令舉恭文冊已具力辭以己身有服雖遇  
大祥尙未禫祭據禮切陳其不可乃止諸大吏聞之曰此直孝  
廉方正矣安得天下所舉咸若斯人年九十四卒於官

郭藩字价人新城人廩生乾隆癸卯赴秋試客邸聞母病日行二  
百餘里侍藥餌寢食俱廢病尋愈人謂誠之所感與堂兄宗泗  
同居四十餘年無閒言卒年五十二

張孝先新城人赤貧造食物爲生計晨出必留供親一日食晚詢問周至父有欲食必購之屬妻烹以進父食未善欲出其妻改烹以進父曰甘乃已嘗北客通州一夕涼風起念父流涕通宵不寐貨其車買羊裘兼程歸

伊齋字合浦新城人乾隆己卯歲貢爲嶧縣訓導性穎捷多恢奇之論精岐黃術扣門輒往皆奇驗或勸其著書不可曰醫書皆捭刃矣烏可於古書外增殺人具哉年八十三卒於官

張自道字履菴新城人弱冠補諸生攻舉業爲文平實近先正年逾八旬依然赴試乾隆癸卯甲辰鄉會試疊膺

欽賜舉人至都察院都事乙巳恭與干叟宴蒙賚杖及綾緞諸物

耿玉戈原名宗灝字崑圃斯舉子品行端方學問宏博讀書訓子

濟南府志

卷五十五

人物十一

國朝

新城

全

老而不倦疊膺

欽賜以國子監助教終壽九十餘歲

李廣佶字伯溪新城人好善樂施排難解紛年八十九卒

張志江新城人竝同邑王錫李志倫周文中楊龍章俱壽百歲

徐庭訓字繩先新城人性潔嗜菊有淵明遺風壽百有二歲

傅玉璫字信三新城人慷慨好義晚年冠履修潔與兄玉印弟玉瑄皆以齒德著邑令以昇平人瑞表其門壽登百歲

遼山字靜壽新城人兩蒙優卹壽百有五歲

王錫彝新城人延登子以孝著壽一百一歲五世同堂子孫九十

餘人

李仁新城人年九十一歲夫婦同壽五世同堂

魏永璞新城人配許氏年皆逾九旬子二人孫五人曾孫十一人元孫二十四人門庭雍睦五世同居邑令劉大紳解組後贈以詩云種得桑麻二頃田阿婆看暖饅曾元太平樂事堪圖畫續入幽風七月篇一時和者甚眾

魏景曾新城人年九十三歲五世同堂魏道修年九十二歲亦五世同堂

張兆行新城人諸生學優德著邑令額其門曰玉海嘉賓

伊鐸字相文新城人爲人謙抑與世無爭然介介有氣節日不舉火口不言貧補諸生舌耕養親貢太學選授觀城訓導任滿歸卒年八十八

荆欲寬新城人與弟欲安欲實欲宣欲霖五人皆以齒德著邑令

濟南府志

卷五十五

人物十一  
國朝 新城

三

劉大紳爲作荆氏五老人壽序子行十七人孫行六十一人曾孫三十九人元孫五人禮俗敦厚稱有家法後益蕃衍

紀綱新城人唐山縣令王啟沅僕也康熙三十六年寇犯唐山綱年十八倉猝挺身禦賊登屋以射中之尋中賊火銃而斃啟沅父大司寇在都聞之祭以文而收卹其母終身

